

唐詩紀事

唐詩紀事卷第四十五

朱灣

王良會

柳公綽

張正一

徐放

崔備

蘇郁

胡幽貞

張儼

杜頴

韋丹

鄭兪

杜元穎

吳丹

鄭餘慶

趙宗儒

周弘亮

王播

周匡物

許玫

張碧

朱灣

題段上人院壁畫古松詩云石上盤古根謂言天生朽一作有安知草木性

變在畫師手陰深方丈閒真一作直趣幽且閒木文離披勢搓粹中裂空心

火燒出掃成三寸五寸枝便作千年萬年物莓苔濃淡意不同一半死皮

藏蠹蟲風霜未必來到此氣色杳似寒山中孤標可翫不可取能使支公

道場古

平陵寓居再逢寒食節云幾迴江上泣途窮每遇良晨歎轉蓬火燧知從

唐詩紀事卷第四十五 無錫丁氏校刊

新節變灰心還與故人同莫聽黃鳥啼愁處自有花開向客中貧病故應無撓事但將懷抱醉春風

逼寒節寄崔七云閒庭只是長莓苔三徑曾無車馬來旅館尙愁寒食火羈心懶向不然灰門前下客雖彈鋏溪畔窮魚且曝腮他日趨庭應問禮須言陋巷有顏回

九日登青山云昔人惆悵地繫馬又登臨舊處煙霞在多時草木深水將空合色雲共我無心想見龍山會良辰亦似今

灣別湖州崔使君侃書云灣聞蓬萊之山藏杳冥而可到驪龍之珠潛瀆滉而可識貴人之顏無因而前不可識灣自假道路聞津主人一身孤雲兩度圓月凡再請職事三趨戟門門人謂灣曰子私來耶公來耶若言公僕實非公若言私公庭無私以茲交戰彷徨于今信知庭之與堂不啻千里況寄食漂母夜眠漁舟門如龍而難登食如玉而難得如龍之門轉深如玉之粟轉貴實無機心翻成機事漢陰丈人聞之豈不大笑屬谿上風

便囊中金貧望甘棠而歎自引分而還也

灣爲李勉永平從事灣秋夜宴王郎中宅賦得露中菊云衆芳春競發寒菊露徧滋受氣何曾異花開獨自遲晚成猶有分欲採未過時忍棄東籬下看隨秋草衰

賦得白鶴翔翠微送陳偃下第云不知鷗與鶴天畔弄晴暉背日分明見臨川相映微淨中雲一點迴處雪孤飛正好南枝住翩翩何所依

長安喜雪云千門萬戶雪花浮點點無聲落瓦溝全似玉塵消更積半成冰片結還流光含曉色清天苑輕逐微風遶御樓平地已霑盈尺潤年豐

須荷富人侯

右三詩韋莊
取爲又玄集

高仲武云朱灣率履貞素放情江湖郡國交辟潛耀不起有唐高人也詩體幽遠興用洪深因詞寫意窮理盡性於詠物尤工如受氣何曾異開花獨自遲所謂哀而不傷國風之深者也

王良會

武元衡鎮西蜀有中秋夜錦樓望月詩云玉輪初滿空迴出錦城東相向
秦樓鏡分飛碣石鴻桂香隨窈窕珠綴隔玲瓏不及前秋見團圓鳳沼中
良會和云德星搖此夜珥月滿重城杳靄煙氛色飄颻砧杵聲令行秋氣
爽樂感素風輕共賞千年聖長歌四海清

良會以內侍省爲監軍使

柳公綽

和錦樓翫月詩云此夜年年月偏宜此地逢近看江水淺遙辨雪山重萬
井金花肅千林玉露濃不惟樓上思飛蓋亦陪從

公綽裴度同爲西蜀武元衡判官先入爲吏部郎中度有詩曰兩人同日
事西征今日君先捧紫泥

公綽字寬京兆人時爲西川營田副使兼少尹後終於刑部尙書取士如
許康佐崔與李拭韋長皆知名貴顯云

和錦樓翫月詩云高秋今夜月皓色正蒼蒼遠水澄如練孤鴻迴帶霜旅人方積思繁宿稍沈光朱檻叨陪賞尤宜清漏長正一時爲西川觀察判官

正一德宗末年爲左補闕以上書召見王叔文之黨疑正一言已陰事令韋執誼反譖於上乃與所善王仲舒劉伯芻皆坐遠貶

徐放

和錦樓翫月詩云玉露中秋夜金波碧落開鵲驚初泛濫鴻思共徘徊遠月清光徧高空爽氣來此時陪永望更得上燕臺

放字達夫元衡西川從事元和九年爲衢州見退之徐偃王廟碑

崔備

和錦樓翫月詩云清景同千里寒光盡一年竟天多雁過通夕少人眠照別江樓上添愁野帳前隋侯恩未報猶有夜珠圓又云四時皆有月一夜獨當秋照耀初含露徘徊正滿樓遙連雪山靜迴入錦江流願以清光末

年年許從遊備時爲西川度支判官

備使院憶山中道侶兼懷李約云松竹去名岳衡茅思舊居山君水上印
天女月中書舊帙芸香在空奩藥氣餘褐衣寬易攬白髮少難梳病柳傷
摧折殘花惜掃除憶巢同倦鳥避網甚跳魚阮巷慙交絕商巖愧跡疏與
君非宦侶何日共樵漁

清溪路中寄諸公詩云偏郡隔雲岑迴溪路更深少留攀桂樹長渴望梅
林野筍資公膳山花慰客心別來無信息可謂井瓶沈

元衡中秋夜聽歌聯句此夕來奔月何時去上天備雲鬢方自照玉腕更

呈鮮度燕婉人閒意飄飄物外緣公綽上詩裁明月扇歌索想夫憐元衡

侍御暗染荀香久長隨楚夢偏放會當乘采鳳髣髴逐神仙政士

元衡在蜀淡於接物而開府極一時選公綽爲少尹張正一觀察判官備
度支判官裴度掌書記盧士政觀察推官楊嗣復節度推官

蘇郁

鸚武詞云莫把金籠閉鸚武箇箇分明解人語忽然更向君前語三十六宮愁幾許

和戎詩云關月夜懸青冢鏡寒雲秋薄漢宮羅君王莫信和親策生得胡雛轉更多

郁貞元元和閒詩人十二樓藏玉牒中鳳皇雙宿碧芙蓉流霞淺酌誰同醉今夜笙歌第幾重

步虛詞

吟倚雨殘樹月收山下村

句

右張爲取作主客

圖

胡幽貞

題西施浣紗石云一朝入紫宮萬古遺芳塵至今溪邊花不敢嬌青春

歸四明詩云海色連四明仙舟去容易天籍豈輒問不是卑朝士張爲取

二詩作主客圖

張儼

貞元八年十二月謁先主廟絕句三首云仗順繼皇業并吞勢由己天命

屈雄圖誰歌大風起

其一

得股肱賢明能以奇用兵何事傷客情何人歸帝

京

其二

雄名垂竹帛荒陵壓阡陌終古更何聞悲風入松柏

其三

杜顒

故絳行云君不見銅鞮觀數里城池已蕪漫君不見祈虜宮幾重臺榭亦
微蒙介馬兵車全盛時歌童舞女妖豔姿一代繁華皆共絕九原惟望冢
纍纍

韋丹

江西韋大夫丹與東林靈澈上人爲忘形之契丹常爲思歸絕句以寄澈
公云王事紛紛無暇日浮生冉冉只如雲已爲平子歸休計五老巖前必
共聞澈奉酬詩云年老身閒無外事麻衣草坐亦容身相逢盡道休官去
林下何曾見一人

丹字公明京兆人幼孤從外祖顏真卿元和中守江西功第一

鄭俞

玉水記方流詩云積水綦風動因知玉德幽如天涵素色倅地引芳流潛潤滋雲起熒華射浪浮魚龍泉不夜草木岸無秋壁沼甯堪比瑤池詎可儔若非懸坐側猶得冀冥搜

俞登貞元十六年進士第杜元穎吳丹白樂天皆同年登科樂天爲河南尹俞始授長水縣令樂天四雖吟云命雖薄猶勝於鄭長水

杜元穎

玉水記方流詩云重泉生美玉積水異常流始玩清堪賞因知寶可求斗回清氣見磬折紫花浮中矩皆明德同方叶至柔月華偏共映風韻喚將遊遇鑿終無暗逢時願見收

元穎淹之孫也貞元末登第敏文辭憲宗特所賞歎穆宗立拜中書舍人不閱歲至宰相再期鎮蜀敬宗驕僻元穎哀斂上供削軍食遂啟南詔之寇斥爲循州司馬死貶所在蜀時官屬崔璜訖于衆盧并奪秩分逐之

吳丹

玉水記方流詩云玉流何處記四折水紋浮潤下不逾矩居方在上流映空虛漾漾搖日靜悠悠影碎疑衝斗光流耐觸舟珪璋分辨壯砂礫共懷愁願獻朝賓海綰迴入御溝

樂天花前歎云前歲花前五十二今歲花前五十五歲課年功頭髮知從霜成雪君堪取幾人得老莫自嫌樊李吳韋盡成土註云樊絳州宗師李諫議景儉吳饒州丹韋侍郎穎皆舊往還相次喪逝南州桃李北州梅且喜年年作花主花前置酒誰相勸客坐唱歌滿起舞欲散重拈花細看爭知明日無風雨

丹字真存登第歷職至鎮州宣慰副使匭使尙書郎卒於饒州葬於恆州樂天爲誌

鄭餘慶

和黃門相公過石門洞云紫氛隨馬處黃閣駐車情嵌壑驚山勢洲灘戀水深地分三蜀險關志百年名琬琰攀酬郢微言鼎飪情

黃門武元衡也

餘慶字居業滎陽人善屬文嚴震帥山南西道奏置幕府貞元末爲相憲宗立再相出鎮山南西道穆宗立加檢校司徒卒

趙宗儒

宗儒字秉文鄧州人父驊有文名宗儒爲翰林學士驊改祕書少監父子並命驊少與殷寅顏真卿柳芳陸據蕭穎士李驊邵軫善時語曰殷顏柳陸李蕭邵趙皆謂全交也宗儒貞元十二年爲相以文學歷將相位任崇劇然無儀矩以治生鎖碎失名

和黃門相公詔還題石門洞云益部恩輝降同滎漢相還韶芳滿歸路軒騎出重關望日朝天闕披雲過蜀山更題風雅韻永絕翠巖間

周弘亮

除夜書情詩云何處風塵歲雲陽古驛前三冬不再稔曉日又明年春入江南柳寒歸塞北天還傷知候客花景對韋編

故鄉除夜詩云三百六十日云終故鄉還與異鄉同非唯律變情堪恨抑

亦才疏命未通何處夜歌銷臘酒誰家高燭候春風詩成始欲吟將看早
是去年牽課中

弘亮登貞元進士第

王播

王播少孤貧嘗客揚州惠照寺木蘭院隨僧齋餐僧厭怠齋罷而後擊鐘
後二紀播自重位出鎮是邦因訪舊遊向之題名皆以碧紗幕其詩播繼
以二絕曰三十年前此院遊木蘭花發院新修如今再到經行處樹老無
花僧白頭上堂已了各西東慙愧闍黎飯後鐘三十年來塵撲面而今始

得碧紗籠

出燕
言

播字明敷父恕家揚州播貞元中與弟炎起皆有名穆宗立爲相居位無
所裨益復失河北衆望不厭乃出爲淮南節度太和初復輔政時韋處厚
以獻替自任而播專以錢穀進不甚與事居位四年卒

爲淮南節度使游故居感舊詩云昔年獻賦去江湄今日行春到卻悲三

逕僅存新竹樹四隣唯見舊孫兒壁閒潛認偷光處川上寧忘結網時更見橋邊記名姓始知題柱免人嗤

李德裕和云千騎風生大旆舒春江重訪武侯廬共提龜印銜新綬同憶鱸庭是故居取履橋邊啼鳥換釣璜溪畔野花疏今來卻笑臨邛客入蜀空馳使者車

周匡物

匡物字幾本潭州人元和十一年李逢吉下進士及第時以歌詩著名家貧徒步應舉至錢塘乏僦船之資久不得濟乃題詩公館云萬里茫茫天塹遙秦皇底事不安橋錢塘江口無錢過又阻西陵兩信潮郡牧見之乃罪津吏及第後謝座主云一從東越入西秦十度聞鶯不見春試向崑山投瓦礫便容靈沼洗埃塵悲歡暗負風雲力感激潛生土木身中夜自將形影語古來吞炭是何人

許玫

題鴈塔云寶輪金地壓人寰獨上蒼冥啟玉關北嶺風煙開魏闕南軒氣
象鎖商山灞陵車馬垂楊裏京國城池落照閒暫放塵心遊物外六街鐘
鼓又催還

政太和元年登第其兄弟瑄瓘皆高科

張碧

秋日登岳陽樓晴望云三秋倚練飛金盞洞庭波定平如剗天高雲捲綠
羅低一點君山礙人眼漫漫萬頃鋪琉璃煙波闊遠無鳥飛西南東北競
無際直疑侵斷青天涯屈原回日牽愁吟龍宮感激致應沈賈生憔悴說
不得茫茫煙靄堆湖心又云范蠡帆張一掌風無人來往繼其中

鴻溝云毒龍銜日天地昏八紘鬣鬣生愁雲秦原走鹿無藏處紛紛爭處
蜂成羣四溟波立鯨相吞蕩搖五岳崩山根魚鰕舞浪狂鯁鯁龍蛇膽戰
登鴻門星旗羽鏃強者尊黑風白雨東西屯山河欲坼人煙分壯士鼓勇
君王存項莊憤氣吐不得亞父抖聲上天聞玉光墮地驚崑崙留侯氣魄

吞太華舌頭一寸生陽春神農女媧愁不言蛇枯老媪啼淚痕星曹定秤
秤王孫項籍骨輕迷精魂沛公仰面爭乾坤須臾垓下賊星起歌聲繚繞
悽人耳吳娃捧酒橫秋波霜天月照空城壘力拔山兮忽到此騅嘶懶渡
烏江水新豐瑞色生樓臺西楚寒蒿哭愁鬼三尺霜鳴金匣裏神光一掉
八千里漢皇驟馬意氣生西南掃地迎天子

美人梳頭云玉堂花院小枝紅綠窗一片春光曉玉容驚覺濃睡醒圓蟾
挂出妝臺表金盤解下叢鬢碎三尺巫雲縮朝翠皓指高低寸黛愁水精
梳滑參差墜須臾攏掠蟬鬢生玉釵冷透冬冰明芙蓉折向新開臉秋泉
慢轉眸波橫鸚武偷來話心曲屏風半倚遙山綠

題祖山人池上怪石云寒姿數片奇突兀曾作秋江秋水骨先生應是厭
風雲著向江邊塞龍窟我來池上傾酒罇半酣書破青煙痕參差翠縷擺
不落筆頭驚怪黏秋雲我聞吳中項容水墨有高價

一作溶溶水
墨有高價

邀得將

來倚松下鋪卻雙縉直道難掉首空歸不成畫

孟東野讀張碧集詩云天竇太白沒六義已銷歇大哉國風本喪而王澤
竭先生今復生斯文信難缺下筆證興亡陳辭備風骨高秋數奏琴澄潭
一輪月誰作採詩官忍一作之不揮發

碧字太碧貞元中人自序其詩云碧常讀李長吉集謂春拆紅翠霹開蟄
戶其奇峭者不可及也及覽李太白詞天與俱高青且無際鷗觸巨海瀾
濤怒翻則觀長吉之篇若陟嵩之巔視諸阜者耶余嘗銳志狂勇心魄恨
不得攤文陣以交鋒覩拔戟挾轉而已

唐詩紀事卷第四十六

劉言史

劉猛

李餘

李涉

劉昭禹

孫昌胤

嚴休復

朱慶餘

劉軻

獨孤鉉

張燦

楊虞卿

楊汝士

張志和

劉言史

竹裏梅云竹裏梅花相並枝梅花正發竹枝垂風吹總向竹枝上直似王家雪下時

春過趙墟有作云下馬邯鄲陌頭歇寂寥崩隧臨車轍古柏重生枝亦乾餘潦見風幽燄滅白蒿微發紫槿新行人感此復悲春

初下東周贈孟郊云鶴老身更印龜死殼亦靈正性非外沿終始全本情童子不戲塵積書就巖扁身著木葉衣養鹿兼犂耕偶隨下山雲荏苒失故程漸入機險中危思難太行十髮九縷絲悠然東周城言詞野麋態出口多累形因依漢元寮未似羈細輕冷竈助新熱靜砧與寒聲斷蓬在門

欄豈當桃李榮寄食若蠹蟲侵損利微生固非拙爲強懦劣外療并素堅
冰蘖心潔持保堅貞脩文返正風刊字齊古經慙將衰末分高棲喧世名
過春秋峽云峭壁蒼蒼苔色新無風晴景自勝春不知何處幽崖裏臘月
開花似北人

長門怨云獨坐鑪邊結夜愁暫時恩去亦難收手持金筋垂紅淚亂撥寒
灰不舉頭

樂府新詞云花顏鬢髮一何偏綠槐香陌欲朝天仍嫌衆裏嬌行疾傍鏡
深藏白玉鞭噴沫團香小桂條玉鞭兼賜霍嫖姚弄影便從天禁出碧蹄
聲碎五門橋

廣州王園寺伏日卽事寄北中親友云南越逢初伏東林度一朝曲池煎
畏景高閣絕微颿竹簟移先灑蒲葵破復搖地偏毛瘴近山毒火威饒裏
汗絺如濯親牀枕並燒墮枝傷翠羽萎葉惜紅蕉且困流金熾難成獨酌
謠望霖窺潤礎思吹候鳴條旅恨生烏澗鄉心繫洛橋誰憐在炎客一夕

壯容銷

言史送婆羅門歸本國詩云刹利王孫字迦攝竹錐橫寫吒羅葉遙知漢地未有經手牽白馬遶天行龜茲磧西胡雪黑大師凍死來不得地盡年深始到船海裏更行十三國行多耳斷金環落冉冉悠悠不停腳馬死經留卻去時往來應盡一生期出漠獨行人絕處磧西天漏雨絲絲

瀟湘遊云夷女采山蕉絹紗浸江水野花滿髻妝花新閒歌曖迺深峽裏曖迺知從何處生當時泣舜腸斷聲翠華寂寞嬋娟沒野篠空餘紅淚情青煙冥冥覆杉桂崖壁凌天風雨細昔人幽恨此地遺綠芳紅豔含怨姿清猿未盡鼯鼠切淚水流到湘妃祠北人莫作瀟湘遊九嶷雲入蒼梧愁放螢怨云放螢去不須留聚時年少今白頭架中科斗萬餘卷一字重回重照見青雲杳渺不可親開囊欲放增餘怨且逍遙還酩酊仲舒漫不窺園井那將寂莫老病身更就微蟲借光影欲放時淚沾裳衝籬落千點光觀繩伎云秦陵遺樂何最珍綵繩冉冉天仙人廣場寒食風日好百夫伐

鼓錦臂新銀畫青綃抹雲髮高處綺羅香更切重肩接立三四層箸屐背
行仍應節兩邊圖劍漸相迎側身交步何輕盈閃然欲落卻收得萬人肉
上寒毛生危機險勢無不有倒掛纖腰學垂柳下來一一笑容一作芙蓉姿粉
薄鈿稀態轉奇坐中還有沾巾者曾見先皇初教時潞府李相公席上作
買花謠云杜陵村人不田穡入谷經谿復緣壁每至南山草木春卽向侯
家取金碧幽豔凝華春景曙林夫移得將何處蝶惜芳叢送下山尋斷孤
香始回去豪少居連鳩鵲東千金使買一株紅院多花少栽未得零落綠
娥纖指中咸陽親戚長安里無限將金買花子澆紅溼綠千萬家青絲玉
轡聲啞啞

王中丞宅夜觀舞胡騰云石國胡兒人見少蹲舞蹲前急如鳥織成蕃帽
虛頂尖細氎胡衫雙袖小手中拋下蒲萄盞西顧忽思鄉路遠跳身轉轂
寶帶鳴弄腳繽紛錦靴輦四座無言皆瞪目橫笛琵琶徧頭促亂騰新毯
雪朱毛傍拂輕花下紅燭酒闌舞罷絲管絕木槿花西見殘月

王中丞武俊也

言史與孟東野友善詩中有貝州召郊之作又有金陵瀟湘之遊廣州贈北中親友詩蓋言史平生所經歷處東野哭言史詩云精異劉言史詩腸傾珠珂取此爲拋擲飛過東溟波可惜大國謠颺爲四夷歌常於衆中會顏色兩切磋今日果成死葬襄之洛河洛岸遠相弔灑淚雙滂沱

皮日休劉棗強碑文云歌詩之風蕩來久矣大抵喪於南朝壞於陳叔寶然今之業是者苟不能求古於建安卽江左矣苟不能求麗於江左卽南朝矣或過爲豔傷麗病者南朝之罪也吾唐來有是業者言出天地外思入鬼神表讀之則神馳八極測之則心懷四溟磊磊落落眞非世閒語者有李太白百歲有是業者雕金篆玉牢奇籠怪百鍛爲字千鍛成句雖不追躅太白亦後來之佳作也其與李賀同時有劉棗強焉先生姓劉氏名言史不詳其鄉里所有歌詩千首其美丽恢瞻自賀外世莫能比王武俊之節制鎮冀也先生造之武俊雄健頗詞藝一見先生遂加異敬將署之賓位先生辭免武俊喜騎射載先生以貳乘逞其藝於野武俊先騎驚雙

鴨起於蒲稗閒武俊控弦不再發雙鴨連斃於地武俊歡甚命先生曰某之伎如是先生之詞如是可謂文武之會矣何不一言以讚邪先生由是馬上草射鴨歌以示武俊議者以爲禰正平鸚鵡賦之類也武俊益重生由是奏請官先生詔授棗強令先生辭疾不就世重之曰劉棗強亦如范萊蕪之類焉故相國隴西公夷簡之節度漢南也少與先生遊且思相見命列將以襄之髹器千事賂武俊以請先生武俊許之先生由是爲漢南相府賓冠隴西公曰與爲飲宴具獻酬之儀歌詩大播於當時爲隴西公從事或曰以某下走之才誠不足汗辱重地劉棗強至衆以公必賓劉於幕吏之上何抑之如是公曰子非惜幕閒一足之地不容劉也然視其狀有不足稱者諸公視某與劉分豈有閒然哉反爲之惜其壽爾後不得已問先生所欲爲先生曰司功掾甚閒或可承闕相國由是掾之雖居官曹宴見與從事儀等後從事又曰劉棗強縱不容在賓署承乏於掾曹誦矣奚不疏整其秩相國不得已而表奏焉詔下之日先生不恙而卒相國

哀之慟曰果然止掾曹然吾愛客葬之有加等墳去襄陽郭五里曰柳子
關後先生數十歲日休始以鄙文稱於襄陽襄陽邑人劉永高士也嘗述
先生之道業嘗味先生之歌詩且嘆曰襄之人只知有浩然墓不知有先
生墓恐百歲之後埋滅而不聞與荆棘凡骨溷吾子之文吾當刊焉日休
幸存既撫實錄之何愧嗚呼先生之官卑不稱其德宜加私諡然棗強之
號世已美矣故不加焉是爲劉棗強碑

劉猛

元微之樂府古題序云詩訖於周離騷訖於楚是後詩之流爲二十四名
賦頌銘贊文誄箴詩行咏吟題怨歎章篇操引謠謳歌曲辭調皆詩人六
義之餘而作者之旨由操而下八名皆起於郊祭軍賓吉凶若樂之際在
審聲以度詞審調以節唱句度短長之數聲律平上之差莫不由之準度
而又區別其在琴瑟者爲操引採民甞者爲謳謠備曲度者總得謂之歌
曲詞調斯皆由樂以定詞非選詞以配樂也由詩而下九名皆屬事而作

雖題號不同而悉謂之爲詩可也後之審樂者往往採取其詞度爲歌曲蓋選詞以配樂非由樂以定詞也而纂撰者由詩而下十七名盡編爲樂府等題除鐃吹橫吹郊祀清商等詞在樂志者其餘木蘭仲卿四愁七哀之輩亦未必盡播於管絃明矣後之文人達樂者少不如是配列但遇興紀題往往兼以句讀短長爲歌詩之異劉補闕云樂府肇於漢魏按仲尼學文王操伯牙作水仙操齊牧犢作雉朝飛魏女作思歸引則不於漢魏而後始亦以明矣況自風雅至於樂流莫非諷興當時之事以貽後世之人沿襲古題唱和重複於文或有短長於義咸爲贅贅尙不如寓意古題刺美見事猶有詩人引古以諷之義焉曹劉沈鮑之徒時得如此亦復稀少近代惟詩人杜甫悲陳陶哀江頭兵車麗人等凡所歌行率皆卽事名篇無所倚傍余少時與友人白樂天李公垂輩謂是爲當遂不復擬賦題昨南梁州見進士劉猛李餘各賦古樂府詩數十首中一二章咸有新意予因選而和之其有雖用古題全無古意者若出門行不言離別將進酒

特書列女之類是也其或頗同古義全創新詞則田家止述軍輸捉捕請
先螻蟻之類是也劉李二子方將極意於斯文因爲粗明古今歌詩同異
之旨焉

月生十五前日望光彩圓月滿十五後日畏光彩瘦不見夜光色一罇成

暗酒匣中苔背銅光短不照空不惜補明月慙無此良工月生句自念數年

閒兩手中藏鈎於心且無恨他日爲我羞古老傳童歌連淫亦兵象夜夢

戈甲鳴苦不願年長苦雨句朝梳一把白夜淚千滴雨可恥垂拱時老作在

家女曉句張爲主客圖取猛月生十五前等句以孟雲卿爲高古奧逸主猛

爲入室

元微之酬劉猛見送云種花有顏色異色卽爲妖養鳥惡羽翮翮不待
高非無翦傷者物性難自逃百足雖健健商羊亦翹翹伊予狷然質謬入
多士朝任氣有愎戇客身寡朋曹愚狂偶似直靜僻非敢驕一爲毫髮忤
十載山川遙爍鐵不在火割肌不在刀險心露山岳詖語翻波濤六尺安

敢生方寸由自調神劍土不蝕異布火不燒雖無二物資庶欲效一毫未
能深蹙蹙多謝相勞勞去去我移馬遲遲君過橋雲勢正橫壑江流初滿
槽持此慰遠道比之爲舊交

李餘

張爲作主客圖以孟雲卿爲高古奧逸主以餘爲入室其句云長安東門
別立馬生白髮句霽後軒蓋繁南山瑞煙發句嘗憂車馬繁土薄聞水聲
餘登長慶三年進士第蜀人也張籍送餘歸蜀詩云十年人詠好詩章今
日成名出舉場歸去唯將新誥牒後來爭取舊衣裳山橋曉上蕉花暗水
店晴看芋葉光鄉里親情相見日一時攜酒上高堂

賈島送餘及第歸蜀云知音伸久屈覲省去光輝津濟逢清夜途程盡翠
微雲當綿竹疊鳥離錦江飛肯寄書來否原居出甚稀又送餘往湖南云
昔去候溫涼秋生滿蜀鄉今來從辟命春物徧潯陽岳石挂陽雪野帆堆

渚檣若尋吾祖宅寂寞在瀟湘

挂一作桂
陽一作海

李涉

題鶴林僧室云終日昏昏醉夢閒忽聞春盡強登山因過竹院逢僧話又得浮生半日閒

春晚遊鶴林寺寄使府諸公云野寺尋花春已遲背巖唯有兩三枝明朝攜酒猶堪醉爲報春風且莫吹

岳陽別張祜云十年蹭蹬爲逐臣鬢毛將盡巴江春鹿鳴猿嘯雖寂寞水蛟山魅多精神山瘡困中聞有赦死灰不望光陰借半夜州符喚牧童虛教衰病生驚怕巫峽洞庭千里餘蠻陬水國何親疎由來真宰不宰我徒勞嘆者懷吹噓灞橋昔與張生別萬變桑田何處說龍蛇縱在沒泥塗長衢卻爲駑駘設愛君氣堅風骨峭文章真把江淹笑洛下諸生懼刺先烏鳶不得齊鷹鷂岳陽西南湖上寺水閣松房徧文字新釘張生一首詩自餘吟者皆無味策馬前途須努力莫學龍鍾虛嘆息

晚泊潤州聞角云孤城吹角水茫茫風引胡茄怨思長驚起暮天沙上鴈

海門斜去兩三行

涉嘗過九江至皖口遇盜問何人從者曰博士也其豪首曰若是李涉博士不用剽奪久聞詩名願一篇足矣涉贈一絕云春雨蕭蕭江上村綠林豪客夜知聞他時不用相迴避世上如今半是君

涉至揚州一女子拜且泣問之曰宋態也故吳興劉員外之愛姬

劉全劉白也

李有昔年之分涉因贈詩曰長憶雲仙至小時芙蓉頭上綰青絲當時驚覺高唐夢唯有而今宋玉知又云衡陽夜醺使君筵解語花枝在眼前自從明月西沈海不見嫦娥二十年

涉渤之兄纖人也早從陳許辟憲宗時爲太子通事舍人投匭言吐突承瓘冤狀孔戣知匭事表其奸逐爲陝州司倉參軍始戣見其副章詰責不受涉乃行賂詣光順門通之故戣極言涉奸險欺天請加顯戮太和中爲太學博士自號浴谿子

張爲作主客圖以孟雲卿爲高古奧逸主而以涉入室取其句云但將鐘

鼓悅私愛肯以犬羊爲國羞句尼父未適魯屢屢倦迷津徒懷教化心紆鬱不能伸一遇知己言萬方始喧喧至今百王則孰不挹其源

六歎云漢臣一沒丁零塞牧羊西過陰沙外朝憑南鴈信難回夜望北辰心獨在漢家茅土橫九州高門長戟分王侯但將鐘鼓悅私愛肯以犬羊爲國羞夜霜寒雲臥冰雪嚴風獨刃垂旌節丁年奉使白頭歸泣盡李陵衣上血

春山三竭來云釣魚竭來春日煖松溪不厭舟行緩野竹初栽碧玉長澄潭欲下青絲短昔人避世兼避仇暮棲雲外興一作朝悠悠我今無事亦如

此赤鯉忽到長竿頭汎汎隨波凡幾里碧莎如煙沙似砥瘦壁橫空怪石危山花鬪日禽爭水有時帶月歸扣舷身閒自是漁家仙山上竭來採新茗新花亂發前山頂瓊英動搖鍾乳碧叢叢高下隨崖嶺未必蓬萊有仙藥能向鼎中雲漠漠越甌遙見裂鼻香欲覺身輕騎白鶴採藥竭來藥苗盛藥生只傍行人徑世人重耳不重目指似藥苗心不足野客住山三十

載妻兒共寄浮雲外山男學語便分別已辯君臣知匹配都市廣長開大鋪疾來求者多相悞見說韓康舊姓名識之不識先相惡

劉昭禹

經費冠卿舊隱云節高終不起死戀九華山聖主情何切孤雲性本閒名傳中國外墳在亂松閒依約曾棲處斜陽鳥自還

昭禹字休明婺州人少師林寬爲詩刻苦風雪詩云句向夜深得心從天外歸

集首懷華山隱者云先生入太華杳杳絕良音秋夢有時見孤雲無處尋神清峯頂立衣冷瀑前吟應笑干名者六街塵土深

嘗與人論詩曰五言如四十箇賢人著一字如屠沽不得覓句者若掘得玉合子底必有蓋但精心求之必獲其實在湖南累爲宰後署天策府學士嚴州刺史卒於桂州幕中有詩三百首

孫昌胤

清明詩曰清明暮春裏悵望北山陲燧火開新燄桐花發故枝沈冥慙歲
物歡宴阻朋知不及林閒鳥遷喬並羽儀

和司空曙劉脊虛九日送人云京邑嘆離羣江樓喜遇君開筵當九日泛
菊對浮雲朗詠山川霽酣歌物色曛君看酒中意未肯喪斯文

柳子厚與韋中立書云古者重冠禮將以責成人之道是聖人所尤用心
者也數百年來人不復行近有孫昌胤者獨發憤行之既成禮明日造朝
到外廷薦笏言於卿士某子冠畢應之者咸憮然京兆尹鄭叔則怫然曳
笏卻立曰何預我耶廷中皆大笑天下不以非鄭尹而快孫子何哉獨爲
所不爲已

昌胤登天
寶進士

嚴休復

揚州唐昌觀玉蕊花折有仙人遊悵然成二絕云終日齋心禱玉宸魂銷
目斷未逢真不如滿樹瓊瑤蕊笑對藏花洞裏人羽車潛下玉龜山塵世
何由覩葳顏唯有無情枝上雪好風吹綴綠雲鬢

元和中見一女子從以二女冠三小僕直造花所佇立良久命小童折花
數枝謂黃冠者曰曩有玉峯之期自此可以行矣行百許步遂不復見休
復有詩元微之和云弄玉潛過玉樹時不教青鳥出花枝的應未有諸人
覺只是嚴郎卜得知樂天詩云羸女偷乘鳳下時洞中潛歇弄花枝不緣
啼鳥春饒舌青瑣仙郎可得知

朱慶餘

過水部郎中張籍因索慶餘新舊篇什留二十六章置之懷袖而推贊之
時人以籍重名皆繕錄諷詠遂登科慶餘作閨意一篇以獻曰洞房昨夜
停紅燭待曉堂前拜舅姑妝罷低聲問夫婿畫眉深淺入時無籍酬之曰
越女新妝出鏡心自知明豔更沈吟齊紈未是人間貴一曲菱歌敵萬金
由是朱之名流於海內矣

題薔薇花云四面垂條密浮雲入夏清綠攢傷手刺紅墮斷腸英粉著蜂
鬚膩光凝蝶翅明雨中看亦好況復值初晴

中秋月詩自古分功定唯應缺又盈一宵當皎潔四海盡澄清靜覺風微起寒過雪乍傾孤高希此遇吟賞倍牽情

送韋校書赴浙東幕云丞相辟書新秋關獨去人官離芸閣早名占甲科頻水驛迎舡火山城候吏塵湘邊寄家處到日倍榮親

慶餘名可久以字行登寶應進士第送陳標滿酌勸僮僕好隨郎馬蹄花時慎行李莫上白銅鞮又題王侯廢宅云古巷戟門誰舊宅早曾聞說屬官家更無新燕來巢屋唯有閒人去看花空廡欲摧塵滿櫺小池初涸草侵沙繁華事歇皆如此立馬踟躕到日斜右張爲取作主客圖

姚合送慶餘越州歸覲云鄉書落姓名太守拜親榮訪我波濤郡還家霧露成海山空外遠鏡水世閒清何計隨君去隣牆閒此生張籍送慶餘歸越云東隣歸路遠幾日到鄉中有寺山皆徧無家水不通潮聲蓮葉兩野氣稻苗風川縣知名久爭邀與客同

劉軻

爲僧時葬道傍骸夢一書生來謝持三鷄子勸食之嚼一而吞二後精儒術任史官退之欲爲文贊之會貶不就玉聲如樂詩云玉振能旋止人言與樂并繁音忽已闕雅韻詘然清珮想停仙步泉疑咽夜聲曲終無異韻聽罷有餘情特達知難擬玲瓏豈易名崑山如可得一片佇爲榮

撫言云軻慕孟軻爲文故以名焉少爲僧止於豫章高安之南果園復求黃老之術隱於廬山旣而進士第文章與韓柳齊名

軻上座主書曰軻本沛上耕人代業儒爲農人家天寶末流離於邊徙貫南鄙邊之人嗜習翫味異乎沛然亦未嘗輟耕舍學與邊俗齒且曰言忠信行必果雖蠻貊行矣故處邊如沛然貞元中軻僅能執經從師元和初方結廬於廬山之陽日有芟夷板築之役雖震風凌雨亦不廢力大耨或農圃餘隙積書窗下日與古人磨礱潛心歲月悠久寢成書癖樂天云廬山自陶謝後貞元初有符載楊衡輩隱焉今讀書屬文結茅巖谷者猶一二十人其中秀出者有彭城劉軻開卷慕孟軻爲人秉筆慕楊雄司馬遷

爲文軻志不息異日必能跨符楊而攀陶謝矣

軻字希仁元和末登進士第卒於洛州刺史與吳武陵並以史才直史館

不知爲僧者是
彭城劉軻否

獨孤鉉

日南至云玉曆班窮律凝陰發一陽輕暉猶惜短桂影比偏長晷度經南
斗流晶盡北堂乍疑周戶耀可愛逗林光積雪消微照初萌動渺茫更昇
臺上望雲物已昭彰

鉉登元和進士第

張燦

寒食遣懷云繁華泣清露悄悄落衣巾明日逢寒食春風見故人病來羞
滯楚西去欲迷秦憔悴此時久青山歸四隣
燦貞元元和閒進士

楊虞卿

過小妓英英墓云蕭晨騎馬出皇都聞說埋冤在路隅別我已爲泉下土
思君猶似掌中珠四絃品柱聲初絕三尺孤墳草已枯蘭質蕙心何所在
焉知過者是狂夫樂天夢得皆有和章樂天云人間有夢何曾入泉下無
家豈是歸墳上少啼留取淚明年寒食更沾衣夢得云但見好花皆易落
從來尤物不長生鸞臺夜直衣衾冷雲雨無因入禁城

虞卿醉後善歌掃市詞又有小妓工琵琶虞卿死遂辭去樂天哭虞卿詩
云何日重聞掃市歌誰家收得琵琶妓

虞卿字師臯虢州人佞柔善諧麗宗閔僧孺相穆宗引爲右司郎中宗閔
倚之時號黨魁爲京兆尹以罪貶處州司戶參軍死

楊汝士

唐名族重京官而輕外任汝士建節後詩云拋卻弓刀上砌臺上方樓殿
窄雲開山僧見我衣裳窄知道新從戰地來又云而今老大騎官馬羞向
關西道姓楊寶曆中楊於陵僕射入覲其子嗣復率兩榜門生迎於潼關

宴新昌里第僕射與所執坐正寢嗣復領諸生翼兩序元白俱在賦詩席
上汝士詩後成元白覽之失色詩曰隔坐應須賜御屏盡將仙翰入高冥
文章舊價留鸞掖桃李新陰在鯉庭再歲生徒陳賀宴一時良吏盡傳馨
當時疏廣雖云盛詎有茲筵醉綠醅其日大醉歸謂其子弟曰吾今日壓

倒元白

時爲
刑侍

開成中汝士以戶侍檢校尚書鎮東川時樂天以太子少傅分洛戲代內
子賀兄嫂曰劉綱與婦共登仙弄玉隨夫亦上天何似楊哥領崔嫂碧油
幢引向東川又云金花銀枕饒兄用罨畫羅裙任嫂裁嫁得黔婁爲妹婿
可能空寄蜀茶來裴令公居守東洛夜宴半酣公索句元白有德色時公
爲破題次至汝士曰昔日蘭亭無豔質此時金谷有高人白知不能加遽
裂之曰笙歌鼎沸勿作冷淡生活元顧曰樂天所謂能全其名者也汝士
鎮東川其子知溫及第命伎張宴人與紅綾一疋詩曰郎君得意正青春
蜀國將軍又不貧一曲高歌紅一疋兩頭娘子謝夫人

汝士字慕巢牛李待之善開成初鎮東川時嗣復鎮西川乃族昆弟對擁
節旄世榮其門終刑部侍郎

張志和

漁父歌云西塞山前白鷺飛桃花流水鱖魚肥青莢笠綠簑衣斜風細雨
不須歸又云釣臺漁父褐爲裘兩兩三三舴艋舟能縱棹慣乘流長江白
浪不曾憂又云雪溪灣裏釣魚翁舴艋爲家西復東江上雪浦邊風笑著
荷衣不嘆窮又云松江蟹舍主人歡菰飯蓴羹亦共餐梧葉落荻花乾醉
宿漁舟不覺寒又云青草湖中月正圓巴陵漁父棹歌連釣車子掘頭船
樂在風波不用仙

憲宗時畫玄真子像訪之江湖閒不可得因令集其詩上之玄真之兄張
松齡懼其放浪而不返也和答其漁父云樂在風波釣是閒草堂松逕已
勝攀太湖水洞庭山狂風浪起且須還

志和字子周婺州人母夢松生腹上而產志和十六擢明經肅宗時以事

貶南浦尉不復仕居江湖自稱煙波釣徒著玄真子兄鶴齡恐其遜世爲
築室越東州郭與陸羽往還憲宗圖真求其歌不能致李德裕稱志和隱
而有名顯而無事不窮不達嚴光之比云

唐詩紀事卷第四十六

唐詩紀事卷第四十七

謝良輔

鮑防

杜奕

丘丹

嚴維

鄭槩

陳元初

呂渭

范燈

樊珣

劉蕃

賈弇

沈仲昌

李祐

李播

蕭靜

崔子向

李逢吉

楊乘

謝良輔

自良輔至沈仲昌有相會作憶長安十二詠因載他詩於其後

憶長安十二詠云憶長安正月時和風喜氣相隨獻壽彤庭萬國燒燈青

玉五枝終南往往殘雪渭水處處流漸又云憶長安臘月時溫泉彩仗新

移瑞氣遙迎鳳輦日光先暖龍池取酒蝦蟇陵下家家守歲傳卮

又狀江南十二詠云江南仲春天細雨色如煙絲爲武昌柳布作石門泉

又江南孟冬天荻穗輒如綿綠絹芭蕉裂黃金橘柚懸

太白與良輔游涇川陵巖寺詩云乘君素舸泛涇西宛似雲門對若溪且

從康樂尋山水何必東游入會稽

良輔登天寶十一年進士第德宗時刺商州爲團練所殺

鮑防

憶長安十二詠云憶長安二月時玄鳥初至祿祠百囀宮鶯繡羽千條御柳黃絲更有曲江勝地此來寒食佳朝

狀江南十二詠云江南孟春天苕葉大如錢白雪裝梅樹青袍似葑田防雜感詩云漢家海內承平久萬國戎王皆稽首天馬常銜苜蓿花胡人歲獻葡萄酒五月荔枝初破顏朝離象郡夕函關雁飛不到桂陽嶺馬走皆從林邑山甘泉御果垂仙閣日暮無人香自落遠物皆重近皆輕雞雖有德不如鶴

防字子慎襄陽人貞元初爲禮侍策賢良方正得穆質裴復柳公綽歸登崔邠韋純魏弘簡熊執易世美防知人防於詩有所感發以譏切當世與中書舍人謝良弼友善號鮑謝

送薛補闕入朝云平原門下十餘人獨受恩多未殺身每歎陸家兄弟少

更憐楊氏子孫貧柴門豈斷施行馬魯酒那堪醉近臣賴有軍中遺令在
猶將談笑對一作靜風塵

杜奕

憶長安十二詠云憶長安三月時上苑徧是花枝青門幾場送客曲水竟
日題詩駿馬金鞭無數良辰美景追隨

丘丹

憶長安十二詠云憶長安四月時南郊萬乘旌旗嘗耐玉卮更獻含桃絲
籠交馳芳草落花無限金張許史相隨

狀江南十二詠云江南季冬月紅蟹大如編一作鱗湖水龍爲鏡鑪風氣作
煙

章蘇州秋夜寄丹云懷君屬秋夜散步詠涼天山空松子落幽人應未眠
丹和云露滴梧葉鳴秋風桂花發中有學仙侶吹簫弄明月

蘇州又贈丹云跡與孤雲遠心將野鶴俱那同石氏子每到府門趨丹和

云久作煙霞侶，暫將簪組親。還同褚玉伯，入館忝州人。

蘇州聽江笛送陳侍御云：遠聽江上笛，臨觴一送君。還愁獨宿夜，更向郡齋聞。丹和云：離罇聞夜笛，寥亮入寒城。月落車馬散，悽惻主人情。

蘇州送丘員外還山詩云：長棲白雲表，暫訪高齋宿。還辭郡邑誼，歸泛松江渌。結茅隱蒼嶺，伐薪響深谷。同是山中人，不知往來躅。靈芝非底草，遼鶴匪池鷺。終當書里門，一表高陽族。丹酬云：側聞郡守至，偶乘黃犢出。不別桃源人，一見經累日。蟬鳴念秋稼，蘭酌動離瑟。臨水降麾幢，野艇容膝參。差碧山路目，送江帆疾涉海。得驪珠，棲梧慚鳳質。媿非鄭公里，歸掃蒙龍室。

蘇州重送丘二十二還臨平山居云：歲終始再見，方來又解攜。纔留野亭語，已憶故山棲。幽澗人夜汲，深林鳥長啼。還持郡齋酒，慰子霜露淒。丹和云：賣藥有時至，自知來往疎。遽辭池上酌，新得山中書。步出芙蓉歸，乘轂赫車猥。蒙招隱作豈，媿班生廬。此丹述懷之作。

丹隱臨平山與韋蘇州往還韋有詩贈丹云高詞棄浮靡真行表鄉閭未
真南宮拜聊偃東山居

中元日鮑端公宅遇吳天師聯句道流爲柱史教戒下真仙嚴維共契中元

會初修內景篇鮑防遊方依地僻卜室喜牆連謝良輔實筥開金籙華池漱玉

泉杜怪龍隨羽翼青節降雲煙李昔去遺丹竈今來變海田劉蕃養形奔二

景蛻骨度千年謝良輔騎竹投陂裏攜壺挂牖邊鄭洞中嘗入靜河上舊談

玄陳元初伊洛笙歌遠蓬壺日月偏樊青騾薊訓引白犬伯陽牽丘法受相

君後心存象帝先呂渭道成能縮地功滿欲昇天范何意迷孤性含情戀數

賢吳筠

鮑防代宗時以御史大夫歷福建江西觀察呂渭大曆閒爲浙西支使大
曆末貶歙州司馬觀十二月詩與中元聯句皆在江南時事也詠江南而
憶長安其意可見矣

嚴維

憶長安十二詠云憶長安五月時君王避暑華池進膳甘瓜朱李續命芳
蘭綵絲競處高明臺榭槐陰柳色通達

狀江南十二詠云江南季春天葍葉細如絃池邊草作逕湖上葉如船

維字正文越州人與劉長卿善長卿對酒寄維云陋巷喜陽和衰顏對酒
歌懶從華髮亂閒任白雲多郡簡容垂釣家貧學弄梭門前七里瀨早晚
子陵過維答云蘇耽佐郡時近出白雲司藥補清羸疾窗吟絕妙詞柳塘

春水漫花塢夕陽遲欲識懷君意朝朝訪檝師

時劉為睦州司馬

維作越之諸暨尉劉隨州以詩送云愛爾文章逸還加印綬榮退公兼色
養臨下帶鄉情喬木映官舍春山直縣城應憐釣台石閒卻爲浮名維留
別云中年從一尉自笑此身非道薄甘微祿時艱恥息機晨趨本郡府晝
偃故山扉待見干戈何妨更採薇

題靈一上人院新泉云山下新泉出泠泠比法源落花纔有響濺石未成
痕獨映孤松色難分衆鳥喧唯當清月夜觀定此禪門

送薛尚書入朝云卑情不敢論拜首入轅門列郡諸侯長登朝八坐尊凝
笏臨水發行旆向風翻幾許遺民泣同懷父母恩
哭靈一上人云一公何不住空有遠公名共說岑山路今時莫可行舊房
松更老新塔草初生經論傳緇侶文章遍墨卿禪牀枝幹折法宇棟梁傾
誰復修僧史應知傳已成

錢起送維尉河南云蕙葉青青花亂開少年趨府下蓬萊甘泉未厭楊雄
賦吏道何勞賈誼才征陌獨愁雲蓋遠離筵只惜暝鐘催欲知別後相思
處願植瓊枝向柏臺

維終校書郎

長卿送維赴河南充嚴中丞幕府云久別耶溪客來乘使者軒用才榮入
幕扶病喜同樽山屐留何處江帆去獨翻暮情辭鏡水秋夢識雲門蓮府
開花萼桃源寄子孫何當舉嚴助偏沐漢朝恩維贈別云早見登郎署同
時跡下僚幾年江路永今日國門遙文變騷人體官移漢帝朝望山吟度

日接枕話通霄萬里趨公府孤帆恨信潮匡時知己老聖代恥逃堯

長卿蛇浦橋重送云秋風颯颯鳴條風月相和寂寥黃葉一離一別青山
暮暮朝朝寒江漸出高岸老樹猶依斷橋明日人行已遠空餘淚逐歸潮
維重別云月色今宵最明庭閒夜久天清愁盡多年左宦殷勤遠別深情
溪臨修竹煙色風落高梧雨聲耿耿相看不寐遙聞擊柝山城

長卿七里瀨重送云秋江渺渺水空波越客孤舟欲榜歌手折衰楊悲老
別故人零落已無多維重別云新安非故枉帆過海內如君有幾何醉裏
別時秋水色老人南望欲狂歌

鄭槩

憶長安十二詠云憶長安六月時風臺水榭逶迤朱果雕籠香透分明紫

禁寒隨塵驚九衢客散赭珂

一作汗

滴瀝青驪

司空曙寄槩詩云倦枕欲徐行開簾日秋明手便筇杖冷頭喜葛巾輕綠
草前侵水黃花半上城虛銷此風景不見十年兄

和江南十二詠云江南孟秋天稻花白如氈素腕慚新藕殘妝妬晚蓮

陳元初

憶長安十二詠云憶長安七月時槐花點散罌罍七夕針樓競出中元香

供初移繡轂金鞍無限遊人處處歸隨

一作
遲

僧靈一有送元初卜居麻源詩云欲向麻源隱能尋謝客蹤空山幾千里

幽谷第三重巖宇寧須葺荷衣不待縫因君見往事爲我謝喬松

陳孫移耶溪舊居呈元初校書云雞犬漁舟裏長謠任興行卽令邀客醉
已被遠山迎書笈將非重荷衣著甚輕謝安若箇事忽起爲蒼生

呂渭

憶長安十二詠云憶長安八月時闕下天高舊儀衣冠共頌金鏡犀象對
舞丹墀更愛終南灞上可憐秋草碧滋

狀江南十二詠云江南仲冬天紫蔗節如鞭海將鹽作雪山用火耕田

渭貞元十一年知貢舉撓悶不能定去留寄詩前主司曰獨坐貢闈裏愁

多芳草生仙翁昨日事應見此時情中書省柳久枯死興元元年車駕還柳再榮謂之瑞柳明年渭以爲禮部賦題德宗甚惡之

渭字君載河中人德宗時爲禮部侍郎與裴延齡姻家擢其子上第出爲潭州刺史卒

范燈

憶長安十二詠云憶長安九月時登高望見昆池上苑初開露菊芳林正獻霜梨更想千門萬戶月明砧杵參差

狀江南十二詠云江南季夏天身熱汗如泉蚊蚋成雷澤袈裟作水田

樊珣

憶長安十二詠云憶長安十月時華清士馬相馳萬國來朝漢闕武陵共獵秦祠晝夜歌鐘不歇山河四塞京師

狀江南十二詠云江南仲夏天時雨下如川盧橘垂金彈甘蕉吐白蓮

劉蕃

憶長安十二詠云憶長安子月時千官賀至丹墀御苑雪開瓊樹龍堂冰作瑤池獸炭氈爐正好貂裘狐白相宜

狀江南十二詠云江南季秋天栗熟大如拳楓葉紅霞岸蒼蘆白浪川一作

穿

蕃登天寶六年進士第

賈弇

狀江南十二詠云江南孟夏天慈竹笋如編蜃氣爲樓閣蛙聲作管絃

弇登大曆進士第柳子厚先友誌云弇長樂人善士也爲校書郎卒

李益送校書賈弇東歸寄振上人詩云北風吹鴈數聲悲況指前林是別時秋草不堪頻遠送白雲何處更相期山隨匹馬行看暮路入寒城獨去遲爲向東州故人道江淹已擬惠休詩

沈仲昌

狀江南十二詠云江南仲秋天鱗鼻大如船雷是樟亭浪苔爲界石錢

仲昌登天寶九年進士第蕭穎士送劉方平沈仲昌秀才同觀所試雜文
云山東茂才有河南劉方平臨汝沈仲昌以府郡計偕之尤當禮闈能賦
之試餘勇待賈未始踰辰吾徒相與登羣玉咀遺芳目臨雲外思入神境
佳哉樂乎意數子之出幽谷而漸於陸矣

李祐

袁江口懷王司勳王吏部云京華不啻三千里客淚如今一萬雙若箇最
爲相憶處青楓黃竹入袁江

祐唐宗室也大曆元和閒江南錄事參軍纂之子

李播

見志云去歲買琴不與價今年沽酒未還錢門前債主雁行立屋裏醉人
魚貫眠

播登元和進士第播以郎中典蘄州有李生攜詩謁之播曰此吾未第時
行卷也李曰頃於京師書肆百錢得此遊江淮閒二十餘年矣欲幸見惠

播遂與之因問何往曰江陵謁盧尙書播曰公又錯也盧是某親表李慚
悚失次進曰誠若郎中之言與荆南表丈一時乞取再拜而出

蕭靜

三湘有懷云柳絮飛時別洛陽梅花落後到三湘世情已逐浮雲散離恨
空隨江水長

崔子向

上鮑大夫云行盡江南塞北時無人不誦鮑家詩東堂桂樹何年折直到
如今少一枝

送惟詳律師自越之義興云陽羨諸峯頂何曾異剡山雨晴人到寺木落
夜開關縫衲紗燈晃看經錫杖閒西方知有社未得與師還

子向貞元以前爲監察御史終南海從事裴鏞傳奇云子向之子煒貞元
中人居南海

李逢吉

送令狐秀才赴舉云子有雄文藻思繁年齡射策向金門前隨鸞鶴登霄
漢卻望風沙走塞垣獨憶忘機陪出處自憐何力繼飛翻那堪兩地生離
緒蓬戶長扃行旅喧

嚴揆省中宿齋遇令狐員外當直之作云致齋分直宿南宮越石盧諶此
夜同位極班行猶念舊名題章奏亦從公會驅爪士三邊靜新贈髯參六
義窮竟夕文昌如有月可憐如在庾樓中

望京臺上寄令狐華州云祇役滯南服頽思屬暮年閒上望京臺萬山蔽
其前落日歸飛翼連翩東北天涪江適在下爲我久潺湲中葉成文教德
威清遠邊頒條信徒爾華髮生蒼然寄懷三峯守歧路隔雲煙

奉酬忠武李相公見寄云直繼先朝衛與英能移孝友作忠貞劍門失險
曾縛虎淮水安流緣斬鯨黃閣碧幢惟是險三公二伯未爲榮惠連忽贈
池塘句又遣羸師破膽驚

酬致政楊祭酒見寄云初還相印罷戎旃獲守皇居在紫煙妄比鄼侯功

蔑爾每懷疏傅意悠然應將半俸霑閭里料入中條訪洞天十載別離那
可道倍令驚喜見來篇

逢吉與令狐楚有唱和詩曰斷金集裴夷直爲之敘云二相未遇時每有
所作心驚流輩不數年遂壓秉筆之士及入官登朝益復隆高我不求異
他人自遠逢吉卒楚有題斷金集詩云一覽斷金集載悲埋玉人牙絃千
古絕珠淚萬行新

楊乘

甲子歲書事時上黨用兵討賊云豎子未鼎烹大君尙旰食風雷隨出師
雲霞有戰色犒功椎萬牛募勇懸千帛武士日曳柴飛將競執馘喜氣迎
捷書懽聲送羽檄天兵日雄強桀犬稍離析賊臂旣已斷賊喉旣已搯樂
禍但鯨鯢同惡爲肘腋小大勢難侔逆順初不敵違命固天亡恃險乖長
策蠱毒久萌芽狼顧非日夕禮貌忽驕狂疏奏遂指斥動衆豈佳兵含忍
恐無益鴻恩旣已孤小效不足惜腐儒一鉛刀投筆時感激帝闈不敢干

恹恹坐長晝

南徐春日懷古云六代驕奢地三春物象繁靈湖通漲海天塹隔中原曉
渡高帆駛陰風巨艦翻旌旗西日落戈甲夏雲屯豹變資陳武龍飛擁晉
元風流前事盡文物舊儀存邪侮嘗移潤忠貞幾度寃興亡山兀兀今古
水渾渾露滴蜂偷藥鶯啼日到軒酒腸堆麴蘖詩思遶乾坤愁夢全無蝶
離憂每愧萱形骸勞大塊玉石任炎崑出處寧由己升沈未足言且應中
聖樂坐起任昏昏

建鄴懷古云故城故壘滿江濱盡是干戈舊苦辛見此卽須知帝力生來
便作太平人

吳中書事云十萬人家天塹東管絃臺榭滿春風名歸范蠡五湖上國破
西施一笑中香逕自生蘭葉小響廊深映月華空罇前多暇但懷古盡日
愁吟誰與同榜句云伶僇乖拙兩何如晝泥琴聲夜泥書數拍胡笳彈未
徧故人新命畫胡車

乘甲子年書事乃會昌四年討劉稹也張爲作主客圖以白樂天爲廣大教化主而以乘爲入室之上

乘宣宗大中初登第官終殿中侍御史楊維直四子發假收嚴發以春爲義其子以祝乘爲名假以夏爲義其子以照爲名收以秋爲義其子以鉅麟鑑爲名嚴以冬爲義其子以注涉洞爲名皆以文學登第時號修行楊家與靖恭諸楊比相華盛

唐詩紀事卷第四十七

Blank page with vertical lines for text columns.

唐詩紀事卷第四十八

李祕

韋皋

李德裕

鄭還古

裴航

裴休

呂郡

徐商附王傳

韋渠牟

陸長源

盧宗回

劉闢

薛宜僚

崔季卿

皇甫激

李祕一本云一作泌

禁中送任山人云子去非長往君恩取大還補天留綵石縮地入青山獻

壽千秋外來朝數月閒莫拋殘藥物切欲一作竊取駐童顏

祕唐宗室也元和太和時人

韋皋

皋少遊江夏止於姜使君之館有小青衣曰玉簫纔十許歲常侍皋皋後告別與約後會因留玉指環一枚并詩寄情云黃雀銜來已數春別時留解贈佳人長江不見魚書至為遣相思夢入秦

李德裕

元和十一年歲在丙申年李逢吉下三十三人皆取寒素時有語曰元和天子丙申年三十三人皆得仙袍似爛銀文似錦相將白日上青天德裕頗爲寒素開路及謫官南去或有詩曰八百孤寒齊下淚一時回首望崖

州

出燕言

上巳憶江南禊事云黃河西繞郡城流上巳應無祓禊遊爲憶綠江春水色更隨宵夢向吳州

德裕營平泉莊遠方以異物奉之或題曰隴右諸侯供語烏日南太守送名花及譴責或作詩曰肉視具寮忘七箸氣吞同列削寒溫當時誰是承恩者肯有餘波達鬼村之句又云畫閣不開梁燕去朱門罷掃乳烏歸千巖萬壑應惆悵流水斜傾出武闈蓋恨之也

公離東都平泉有詩云十年紫殿掌洪鈞出入三朝一品身文帝寵深陪雉尾武皇恩重燕龍津黑山永破和親虜烏領全坑跋扈臣自是功高臨盡處禍來名滅不由人

漢州日夕遊房公西湖云丞相鳴琴地何年黯玉徽

房公好琴聲聞海內

偶因微月

夕重啓故樓扉桃李蹊空在芙蓉客暫依唯憐濟川楫長與夜舟歸重題

云晚日臨寒渚微風發權謳鳳城波自闊魚水運難留亭古思宏棟川長

憶濟舟想公高世志祇似化城遊

房公舊竹亭聞琴緬慕風流神期如對有作云流水音長在青霞意不傳

獨悲形解後誰聽廣陵絃

德裕論文曰沈休文以音韻爲功重輕爲難語雖甚工則未遠未可以

言文外意也古之辭高者蓋以言妙而工適不取於音韻

曹植七哀詩有徊泥諧依四韻

王粲有攀原安三韻班固多用協韻猗與元勳佐漢舉信是也

意盡而止成篇不拘於隻耦

文選有五韻七韻十一韻

者故篇無足曲詞寡累句古辭如金石琴瑟尙於至音今文如絲竹鞞鼓

迫於促節卽知聲律之爲弊也世有非文章者曰詞不出於風雅思不越

於離騷模寫古人何足貴也余曰譬諸日月雖終古常見而光景常新此

所以爲靈物也嘗爲文箴曰文之爲物自然靈氣惚恍而來不思而至杼

軸得之澹而無味琢刻藻繪彌不足貴如彼璞玉磨礱成器奢者爲之錯以金翠美質既彫良寶斯棄此爲文之大旨也

劉三復謂德裕曰漁歌樵唱皆傳述作

述夢詩云賦命誠非薄良時幸已遭君當堯舜日官接鳳凰曹日睇煙霄

闊心驚羽翼高此六句夢中作椅梧連鶴禁脾睨接龍韜內署北連春宮西接羽林軍我后憐

詞客先后朝會宣諭卿等是我門客吾僚竝雋髦著書同陸賈待詔比王褒重價憐玄璧

英辭淬寶刀泉流初落澗文賦稱言泉流於齒吻露滴更濡毫赤豹忻來獻彤弓喜

暫橐時西戎乞盟二帥束身赴闕海內無事也非煙含瑞氣馴雉潔霜毛靜室

便幽獨虛樓散鬱陶學士院有一室西南花光晨豔豔松韻晚騷騷畫壁

看飛鶴仙圖見巨鰲內署垣墻皆有畫松鶴先是西壁畫海內魚龍山憲宗欲臨幸中使懼而塗焉傍簷陰藥樹

落格蔓葡萄此八句悉是內署物色荷靜蓬池膾冰寒郢水膠每學士初上賜食皆

蓬菜池魚夏至後頰賜冰及燒香酒以酒味稍濃常和冰而飲禁中有酒方荔枝來自遠盧橘賜常叨先朝初

方會獻荔枝亦蒙頌賜自後以道遠罷獻麝氣隨蘭澤霜華入杏膏恩光唯覺重攜挈未爲勞臨御南

此八句以述恩賜每夕閱梨園騎宵聞禁仗燧每梨園獵回或抵暮扇迴
有賜予常攜挈而歸

交彩翟鵬起颺銀條轡待袁絲攬書期蜀客操盡徒蹇蹇退食尙怵怵此八

句述內庭所觀龜顧垂金紐鑿迴曳錦袍御溝楊柳弱天廐驪驕豪借飛龍馬屢

換青春直閒隨上苑遨普濟寺與芙蓉苑相連所煙低行殿竹風拆繚垣

桃此八句述游戲聚散俄成昔悲秋益自熬每懷仙駕遠更望茂陵號地接三

茅嶺川迎伍子濤代稱海濤是伍子胥憤氣所作花迷瓜步暗石固蒜山牢此兩句又是夢中所作

蘭野凝青管梅洲動翠篙泉魚驚綵妓溪鳥避干旄感舊心猶絕思歸首

更搔無聊燃蜜炬誰復勸金舸余自到此絕無夜宴酒器中大者呼為舸寶僚乃常願形迹未嘗以此而相勸也

嵐氣朝生棟城陰暝入濠望煙歸海嶠送雁度江皋宛馬嘶寒櫪吳鈞在

錦弢未能追狡兔空覺長江蒿水國逾千里風帆過萬艘閱川終古恨唯

見暮滔滔德裕述夢詩記為夢中賦詩耳元微之和云聞有池塘什還因

夢寐遭攀禾占類蔡詠豆放過曹莊蝶玄言祕羅禽藻思高注云本篇稱

六句皆夢中作故此三聯多證夢意已下皆言同在翰林及翰苑故事若

學士初入賜飛龍馬故有借騎銀杏葉之句青詔用麥紋紙故有麥紙侵紅點之句麻制例別通宵勘寫故有蘭燈燄碧高之句學士密邇銀臺每旦嘗聞門使勘契開鎖又院門有急命卽鈴索門自搖習以爲常故吏傳開鎖契神撼引鈴條之句學士無過從聚會之例時閒行寺觀而已故有分阻杯盤會閒期寺觀邀之句皆唐之故事也

鄭還古

還古閒居東都將入京赴選柳當將軍者餞之酒酣以一詩贈柳氏之妓曰冶豔出神仙歌聲勝管絃調輕白紵曲歌遏碧雲天未擬生裴秀如何乞鄭玄不堪金谷水橫過墜樓前柳喜甚曰專伺榮命以此爲賀未幾還古除國子博士柳見除目卽遣入京及嘉祥驛而還古物故乃放妓他適逸史載還古初娶柳氏女嘉會之初夢娶房氏後柳卒再娶東都李氏屬房直溫爲東洛少尹李之舅也禮宴皆房主之始知舊夢之前定也

還古登元和進士第

裴航

長慶中下第遊鄂渚傭舟還都與樊氏女同載航賂其侍兒以求達曰同爲胡越猶懷想況遇天花隔錦屏儻若玉京朝會去願隨鸞鶴入青冥樊答詩曰一飲瓊漿百感生玄霜搗盡見雲英藍橋便是神仙宅何必崎嶇上玉清世傳藍橋雲英之事未必信姑載如此

裴休

贈黃蘗山僧希運詩曰自從大士傳心印額上珠圓七尺身挂錫十年棲蜀水浮杯今日渡漳濱一千龍象隨高步萬里香華結勝因擬欲事師爲弟子不知將法付何人休會昌中官於鍾陵請運至館以所解一篇示之師不顧曰若形於紙墨何有吾宗休問其故曰上乘之印唯是一心更無別法心體一空萬緣俱寂大如日輪升於虛空其中照耀靜無纖埃證之者無新舊無淺深說之者不立義解不開戶牖直下便是動念卽乖其後休錄之以爲傳心要法

休字公美孟州人大中六年爲相能文章爲人醞藉進止雍閑宣宗曰休眞儒者

呂郡

毛本云一作羣

元和十一年下第遊蜀性不容下僕馭怨之至眉州題詩所寓寺之東壁其一云路行三蜀盡身及一陽生賴有殘燈火相依坐到明其二曰社後辭巢燕霜前別蒂蓬願爲蝴蝶夢飛去覓關中吟訖淚下意緒不堪未幾爲其奴所殺

徐商

附王傳

商鎮襄陽有副使節判同加章綬商以詩賀之云朱紫花前賀故人兼榮此會頗關身同年坐上聯賓榻宗姓亭中布錦裯晴日照旗紅灼爍韶光入隊影玢璘芳菲解助今朝喜嫩蘂青條滿眼新觀察判官將士郎監察御史王傳和云朱紫聯輝照日新芳菲全屬斷金人華筵重處宗盟地白雪飛時郢曲春仙府色饒攀桂侶蓮花光讓握蘭身自憐亦是膺門客吟

想恩榮氣益振朝議郎江州刺史段成式和云雲雨軒懸鶯語新一篇佳
句占陽春銀黃年少偏欺酒金紫風流不讓人連璧坐中斜日滿貫珠歌
裏落花頻莫辭倒載吟歸去看欲東山又吐茵

按徐商宣宗時爲山南東道節度使咸通四年爲宰相封東莞縣子商與
曹確楊收路巖同秉政有嘲之者曰確確無餘事錢財總彼收商人都不
管貨賂幾時休

傳登大中三年進士第初貧窶於中條山萬固寺入院讀書家廟碑云隨
僧洗鉢

章渠牟

貞元元年渠牟爲大府卿與金吾李齊運度支裴延齡京兆尹嗣道皆承
恩寵薦人多得名位時劉老師穆寂皆科目渠牟主穆寂齊運主老師會
齊運朝對上嗟其羸弱許以致仕而老師失據無名子嘲之曰太尉朝天
升穆老尙書倒地落劉郎劉禹錫曰名場巖嶮如此出古今詩話

渠牟商山四皓贊曰煥煥煌煌爲圭爲璋孰光乎不耀之光幽幽深深爲山爲林孰繫乎不繫之心足知乎虛室生白玄門不關流水去住清風往還豈比乎稷契在世巢由在山一物有累兩心不閒者哉閒之謂何簪居薜蘿本不干我豈云其他熙熙忻忻與時爲春匪漢避秦惟茲四人於德之隣不孤其身于澗之濱不迷其津繪事後素孰知其故想像儀形念茲丹青曄曄紫芝深谷逶迤俛仰今古空林往時鳳豈無德鸞皆有羣出處默語商山白雲

渠牟述之從子少警悟工爲詩李白異之授以古樂府去爲道士不終更爲浮屠已而復冠韓滉表試校書郎德宗誕日詔徐岱趙需許孟容與渠牟及佛老二師竝對麟德殿質問大趣渠牟有口辯雖三家未究解然答問鋒生帝聽之意動遷祕書郎後倚延齡爲奸利勢燄可炙擢太常卿卒權載之敘其文曰初君年十一嘗賦銅雀臺絕句左拾遺李白見而大駭因授以古樂府之學且以瓌奇軼拔爲己任至弱冠乃喟然曰四始五際

今既遠矣會情性者因於物象窮興比者在於聲律蓋辨以麗麗以則得於無閒合於天倪者其在是乎彼惠休稱謝永嘉如芙蓉出水鍾嶸謂范尚書如流風迴雪吾知之矣遂苦心藻慮儷詞比事纖密清巧度越羣倫嘗著天竺寺十六韻魯郡文忠公序引而和之使畫工圖於仁祠摘句配境偕爲勝絕又於江南著臥疾三十韻晉國忠肅公手翰以美之曰卓爾獨立其在章生乎其爲名臣宗公所稱賞如此又與竟陵陸鴻漸杼山僧皎然爲方外之侶沈冥玄覽爲舊最久而不名一行不滯一方故其曳羽衣也則曰遺名攝方袍也則曰塵外披儒服也則今之名字著焉周流三教出入無際寄詞詣理必於斯文

陸長源

孟東野以樂府戲贈云蓮子不可得荷花生水中猶勝道傍柳無事蕩春風長源答云芙蓉初出水菡萏露中花風吹著枯木無奈值空槎東野有夷門雪贈主人云夷門貧士空吟雪夷門豪士皆飲酒酒聲歡鬧入雲霄

雪聲激切悲枯朽悲歡不同歸去來萬里春風動江柳長源答云好丹與
素道不同失意得途事皆別東隣年少樂未央南客思歸腸欲絕千里長
河冰復冰雲鴻冥冥楚山雪酬東野新居見寄云大道本夷曠高情亦冲
虛因隨白雲意偶逐青蘿居青蘿分蒙密四序無慘舒餘清濯子衿散彩
還吾廬去歲登美第榮名在公車將必繼管蕭豈惟躡應徐首夏尙清和
殘芳徧丘墟褰幃蔭窗柳汲井滋園蔬達者貴知心古人不願餘愛君蔣
生徑且著茂陵書

長源吳人贍於學德宗以宣武節度使董晉懦悞詔長源爲司馬佐之持
法峭刻晉卒長源總留後事軍亂殺之

盧宗回

長安慈恩寺塔詩云東方曉日上翔鸞西轉蒼龍拂露盤渭水冷光搖藻
井玉峯晴色墮欄杆九重宮闕參差見百二山河表裏觀暫輟去蓬悲不
定一凭金界望長安

宗回登元和進士第

劉闢

登望月樓云圓月當新霽高樓見最明
素波流紛壁丹桂拂飛臺下瞰千
門靜旁觀萬象生梧桐窗下影烏鵲
檻前聲嘯逸劉琨興吟資庾亮情遊
人莫登眺迢遞故鄉程又云皎潔三
秋月巍巍百尺樓下分征客路上有
美人愁帳卷芙蓉帶簾褰玳瑁鈎倚
窗情渺渺憑檻思悠悠未得金波轉
俄成玉筯流不堪三五夕夫壻在邊
州

闢字大初擢進士宏詞科佐章皋府後爲西川節度以叛誅

薛宜僚

宜僚以左庶子充新羅冊贈使至青州悅一妓段東美賦詩曰阿母桃花
方似錦王孫草色正如煙不須更向滄溟望惆悵歡情又一年到外國謂
判官苗甲曰東美何故頻見夢中數日而卒觀至青段奠之一慟而卒

陸希聲

古之善書鮮有得筆法者希聲得之凡五字撇押鈎格抵用筆雙鈎則點畫遒勁而盡妙矣謂之撥鐙法希聲自言昔二王皆傳此法至陽冰亦得之希聲以授沙門訢光入長安爲翰林供奉希聲猶未達以詩寄訢光云筆下龍蛇似有神天池雷雨變逡巡寄言昔日不龜手應念江頭泝滌人訢光感其言引薦

希聲博學善屬文相昭宗在位無所輕重以太子太師罷李茂貞犯京師輿疾避難卒

崔季卿

晴江秋望云八月長江萬里晴千帆一道帶風輕盡日不分天水色洞庭南是岳陽城

季卿烱之從孫也

皇甫微

全唐詩作微

貞元十四年激刺蜀州賦四相詩序云蜀州刺史廳壁記居相位者前後

四公謨明弼諧遷轉歷此顧已無取忝跡於斯景行遺烈嗟歎之不足也
謹述其行事詠其休美庶將來君子知聖朝之德云爾中書令漢陽王張
柬之周曆革元命天步值艱阻烈烈張漢陽左袒清諸武休明神器正文
物舊儀覩南向翊大君西宮朝聖母借韻用
作補文茂勳鏤鍾鼎鴻勞食茅土至
今稱武王卓立邁萬古中書令鍾紹京景龍仙駕遠中禁姦釁結謀猷叶
聖朝披鱗奮英節清宮闔闔啟滌穢氛沴滅紫極重昭回皇天新日月從
容廟堂上肅穆人神悅唐元佐命功炳煥何烈烈門下侍郎平章事禮部
尚書李峴時來遇明聖道濟寧邦國猗歟瑚璉器竭我股肱力進賢黜不
肖錯枉舉諸直宦官既卻坐權豎亦移職載踐每若驚三已無慍色昭昭
垂憲章來世實作則門下侍郎平章事王縉舟楫濟巨川山河資秀氣服
膺舊儒業屈指取高位北征戮驕悍東守輯攜貳論道致巍巍持衡無事
事知己不易遇宰相固有器瞻事華壁中來者誰其嗣

唐詩紀事卷第四十八

此處為唐詩紀事卷第四十八的正文內容，因文字極其模糊，無法辨識具體字句。可見此為一頁古籍的影印，其內容應為唐代詩人的作品或相關記載。

唐詩紀事卷第四十九

胡杲

吉皎

劉貞

鄭據

虜貞

張渾

白居易

項斯

龐蘊

蔡京

滕邁

郭周藩

殷潛之

裴思謙

何扶

鄭澣

廖有方

薛書記

賈耽

盧貞

姚合

胡杲

前懷州司馬安
定年八十九

九老會賦詩曰閒居同會在三春大抵愚年最出羣霜鬢不嫌杯酒興白
頭仍愛玉爐薰徘徊玩柳心猶健老来看花意卻勤鑿落滿斟判酪酏香
囊高挂任氤氳搜神得句題紅紙望景長吟對白雲今日交情何不替齊
年同事聖明君

吉皎

衛尉卿致仕馮
翊年八十八

九老會云休官罷任已閒居林苑園亭興有餘對酒最宜花藻發邀歡不

厭柳條初低腰醉舞垂緋袖擊筇謳歌任褐裾寧用管絃來合雜自親松
竹且清虛飛觥酒到須先酌賦詠詩成不住書借問商山賢四皓不知此
後更何如

劉貞

前磁州刺史廣
平年八十七

九老會云垂絲今日幸同筵朱紫居身是大年賞景尙知心未退吟詩猶
覺力完全閒庭飲酒當三月在席揮毫象七賢山茗煮時秋霧碧玉杯斟
處綵霞鮮臨階花笑如歌妓傍竹松聲當管絃雖未學窮生死訣人閒豈
不是神仙

鄭據

前龍武衛長史
滎陽年八十五

九老會云東洛幽閒日暮春邀歡多是白頭賓官班朱紫多相似年紀高
低次第勻聯句每言松竹意停杯多說古今人更無外事來心肺空有清
虛入鬼神醉舞兩迴迎勸酒狂歌一曲會娛身今朝何事偏情重同作明
時列任臣

盧貞前侍御史內供奉
官范陽年八十七

九老會云三春已盡洛陽宮天氣初晴景象中千朵嫩桃迎曉日萬株垂柳逐和風非論官位皆相似及至年高亦共同對酒歌聲猶絕妙玩花詩思豈能窮先時共作三朝貴今日猶逢七老翁但願綠醪常滿酌煙霞萬里會應通

張渾前永川刺史清
河年七十七

九老會云幽亭春盡共爲歡印綬居身是大官遁跡豈勞登遠岫垂絲何必坐溪磻詩聯六韻猶應易酒飯三杯未覺難每況襟懷同宴會共將心事比波瀾風吹野柳垂羅帶日照庭花落綺紈此席不煩鋪錦帳斯筵堪作畫圖看

白居易刑部尙書致
仕年七十四

九老會云七人五百八十四拖紫紆青垂白鬚囊裏無金寔嗟歎樽中有酒且歡娛吟成六韻神還壯飲到三杯氣尙麤巍峨狂歌教婢拍婆娑醉

舞遣孫扶天年高邁二疎傳人數多於四皓圖除卻三山五天竺人閒此
會且應無樂天退居洛中作尙齒之會其序曰胡吉劉鄭盧張等賢皆多
年壽余亦次焉於東都敝居履道坊合尙齒之會七老相顧旣醉且歡靜
而思之此會希有因各賦七言六韻詩一章以記之或傳諸好事者時會
昌五年三月二十四日樂天云其年夏又有二老年貌絕倫同歸故鄉亦
來斯會續命書姓名年齒寫其形貌於圖右與前七老題爲九老圖仍以
一絕贈之云雪作鬚眉雲作衣遼東華表暮雙歸當時一鶴猶希有何況
今逢兩令威洛中遺老李元爽年一百三十五歲又云時祕書狄兼謨河南尹
盧貞以年未七十雖與會而不及列

項斯

斯字子遷江東人始未爲聞人因以卷謁楊敬之楊苦愛之贈詩云幾度
見詩詩盡好及觀標格過於詩平生不解藏人善到處逢人說項斯未幾
詩達長安明年擢上第

蒼梧雲氣詩云何年畫作愁漠漠便難收數點山能遠平鋪水不流溼連
湘竹暮濃蓋舜墳秋亦有思鄉客看來盡白頭

贈金州姚合使君云爲郎名更重領郡是蹉跎官壁題詩盡衙庭看鶴多
城池連竹塹籬落帶椒坡未覺旌旛貴閒行觸處過

始張水部籍爲律格詩惟朱慶餘親授其旨沿流而下有任藩陳標章孝
標司空圖咸及門焉寶曆開成之際斯尤爲水部所知故其詩格與之相
類鄭少師薰云項斯逢水部誰道不關情斯留別水部詩云省中重拜別
兼領故人書已念此行遠不應相問疎子城西竝宅御水北同渠要取春
前到乘閒候起居

佳人背江坐眉際列煙樹

庾樓燕句

馬蹄沒青莎船跡成空波春風吹兩意何

處更相值

古意

燭殘催卷席坐冷怕梳頭寒入雁聲長

句

右張爲取作主客

圖

張籍贈詩云端坐吟詩志忍饑萬人中亦見君稀門連野水風長到驢放

秋原夜不歸日暖賸收新落葉天寒更著舊生衣曲江亭上頻頻見爲愛
鷓鴣雨裏飛

龐蘊

蘊有詩云未識龍宮莫說珠識珠言說與君殊空拳只是嬰兒信豈得將
來誑老夫又曰萬法從心起心生萬法生法生同日了來去枉虛行寄與
修道人空生慎勿生如能達此理不動出深坑又曰極目觀前景寂寞無
一人迴頭看後底影亦不隨身又曰神識苟無能窒礙廓周法界等虛空
不假坐禪持戒律超然解脫豈勞功蘊字道玄衡陽人嗜浮屠法厭離貪
俗挈所有沈之洞庭鬻竹器以爲生後居襄陽臨終召刺史于頔謂曰但
願空諸所有慎勿實諸所無善住世閒皆如影響言訖奄然而化時貞元
閒也世號龐居士

居士初參石頭和尚問師不與萬法爲侶是什麼人石頭以手掩居士口
居士豁然大悟石頭一日問居士云子自見老僧已來日用事作麼生居

士云若問某甲日用事直下無開口處石頭云知子恁麼方始問子居士
遂呈一頌曰日用事無別惟吾自偶偕頭頭非取舍處處勿張乖朱紫誰
爲號青山絕點埃神通并妙用運水及般柴石頭然之曰子將緇耶素耶
居士曰願從所慕遂不染刹

居士後之江南參見馬祖問不與萬法爲侶是甚麼人祖云待你一口吸
盡西江水卽向汝道居士言下頓悟宗要乃作頌曰十方同聚會箇箇學
無爲此是選佛場心空及第歸

居士一日訪谷隱道者問云誰居士起立杖子隱云莫是上上機麼居士
拋下杖子隱無語居士云只知上上機不覺上上事隱云作麼是上上事
居士拈起杖子隱云不得草草居士云可憐強作主宰隱云有一機人不
要拈槌豎拂亦不明對答言辭居士若逢如何則是居士云何處逢隱把
住居士居士驀面便唾隱無語居士與曰燄水無魚下底鈎覓魚無處笑
君愁可憐谷隱攷禪伯被唾如何見亦羞

蔡京

邕州蔡大夫京者故令狐文公楚鎮滑臺日於僧中見曰此童眉目疎秀
進退不懾惜其單幼可以勸學乎師從之乃得陪學於相國子弟後以進
士舉上第尋又學究登科作尉畿服既爲御史覈獄淮南李相紳憂悸而
卒頗傳繡衣之稱謫居澧州爲厲員外玄所辱稍遷撫州刺史以辭氣自
負郡有汝水爲放生池不許魚罟之事忽一人乘小舟釣於此蔡遣吏捕
釣者乃爲詩曰拋卻長竿卷卻絲手攜篋笠獻新詩臨川太守清如鏡不
是漁人下釣時京覽詩召之已去卒不言其姓字或曰野人張頊也京亦
自驕矜作詩責商山四皓曰秦末家家思逐鹿商山四皓獨忘機如何鬢
髮霜相似更出深山定是非及假節邕交道由吳溪傍徨賦詩久之詩曰
停橈橫水中舉目孤煙外借問吳溪人誰家有山賣旣而殂於邕南藁殯
此地亦有其兆矣

詠子規云千年冤魄化爲禽永逐悲風叫遠林愁血滴花春豔死月明飄

浪冷光沈凝成紫塞風前淚驚破紅樓夢裏心腸斷楚詞歸不得劍門迢
遞蜀江深

劉夢得有送前進士蔡京赴學究科詩云已是世閒能賦客更攻窗下絕
倫書又云幸遇天官舊丞相知君無翼上虛空蓋欲薦之時相也京以進
士舉登學究科時謂好及第惡科名有錦上披裘之誚焉

令狐文公在太平後堂宴樂京時在坐故義山詩云白足禪僧思敗道青
袍御史擬休官謂京曾爲僧也或云咸通中爲廣西節度偏伎貪克峻條
令爲炮熏刳剔法御下慘毒爲軍中所逐後貶死

滕邁

湖州崔芻言郎中初爲越副戎宴席中有周德華者劉探春女善歌楊柳
枝詞所唱七八篇皆名流之詠滕邁郎中一首云三條陌上拂金羈萬里
橋邊映酒旗此日令人腸欲斷不堪將入笛中吹賀知章祕監一首云碧
玉裝成一樹高萬條垂下綠絲條不知細葉誰裁出二月春風似剪刀揚

員外巨源一首云江邊楊柳麴塵絲立馬憑君折一枝唯有春風最應惜
殷勤更向手中吹劉禹錫尙書一首云春江一曲柳千條二十年前舊板
橋曾與美人橋上別恨無消息到今朝韓琮舍人二首云枝裊芳腰葉鬪
眉春來無處不如絲灞陵橋上多離別少有長條拂地垂又曰梁苑隋池
事已空萬條猶舞舊春風那堪更想千年後誰見楊花入漢宮

雲溪子曰杜牧舍人云巫娥廟裏低含雨宋玉堂前斜帶風滕郎中又云
陶令門前冑接籬亞夫營裏拂朱旗但不言楊柳二字最爲妙也是以姚
合郎中吟道傍亭子詩云南陌遊人回首去東林道者杖藜歸不稱亭而
意見矣

邁登元和進士第

郭周藩

譚宜者陵州民叔皮子也開元末生而有異年二十餘忽失所在大曆初
年還家卽霞冠羽衣眞仙之流也言訖而去其家靈泉宿出禱必有應因

名譚子池亦曰天池進士郭周藩爲詩記其事曰澄水一百步世名譚子池余詰陵陽叟此池當因誰父老謂余說本郡譚叔皮開元末年中生子字阿宜墜地便能語九歲多髭眉不飲亦不食未嘗言渴饑十五銳行走快馬不能追二十八山林一去無還期父母憶念深鄉閭爲立祠大曆元年春此兒忽來歸頭冠簪鳳凰身著霓裳衣普遍拯疲俗丁寧告親知余爲神仙官下界不可祈恐爲妖魅假不如早平夷此有黃金藏鎮在茲廟基發掘散生聚可以救貧羸金出繼靈泉湛若清琉璃泓澄表符瑞水旱無竭時言訖辭沖虛杳靄上玄微凡情留不得攀望衆號悲尋稟神仙誠徹廟謹開窺果獲無窮寶均融沾困危巨源出嶺頂噴湧世閒稀異境流千古終年福四維周藩河東人登元和六年第

殷潛之

野人殷潛之題籌筆驛云江東矜割據鄴下奪孤嫠霸略非匡漢宏圖欲佐誰奏書辭後主仗劍出全師重襲袞斜路懸開反正旗欲將苞有截必

使舉無遺沈慮經謀際揮毫決勝時圓觚當分畫前箸此操時山秀扶英
氣川流入妙思算成功在穀運去事終虧命屈天方厭人亡國自隨艱難
推舊姓開創極初基總歎曾過地寧探作教資若歸新曆數誰復顧衰微
報德兼明道長留識者知杜牧之和云三吳裂婺女九錫獄孤兒霸王業
未半本朝心是誰永安宮受詔籌筆驛沈思畫地乾坤在濡毫勝負知艱
難同草創得失計毫釐寂默經千慮分明渾一期川流縈智思山聳助扶
持慷慨匡時略從容問罪師褒中秋鼓角渭曲晚旌旗仗義懸無敵鳴攻
固有辭若非天奪去豈復虜能支子夜星纔落鴻都鼎便移郵亭世自換
白日事長垂何處躬耕者猶題殄瘁詩

裴思謙

思謙及第後作紅牋名紙十數詣平康里因宿於里中詰旦賦詩曰銀缸
斜背解鳴璫小語偷聲賀玉郎從此不知蘭麝貴夜來新染桂枝香

思謙開元三年登上第

何扶

扶太和九年及第明年捷三第因以一絕寄舊同年曰金榜題名墨尙新
今年依舊去年春花閒每被紅妝問何事重來只一人

鄭澣

和李德裕遊漢州房公湖云太尉留琴聽時移重可尋微絃一掩抑風月
助登臨榮駐青油騎高張白雪音祇言酬唱美良史記王箴又云靜對煙
波夕猶思棟宇精臥龍空有處馴鳥獨忘情顧步襟期遠參差物象橫自
宜雕樂石爽氣際清城

舊竹亭聞琴云石室寒飆驚孫枝稚器裁坐來山水操絃斷弔遺埃

澣餘慶之子文宗時爲翰林學士進左丞出爲山南西道節度使以戶部
尙書召卒文宗嘗謂餘慶曰涵卿令子而朕直臣也可更相賀涵澣舊名
以文宗故改名焉

廖有方

元和十年失意遊蜀至寶雞西界窆旅逝者書版記之曰余元和乙未歲落第西征適此聞呻吟之聲潛聽而微憒也問其疾苦住止對曰辛勤數舉未偶知音眊眊叩頭久而復語唯以殘骨相托餘不能言俄而逝余乃鬻所乘馬於村豪備棺瘞之恨不知其姓字臨歧悽斷復爲銘曰嗟君沒世委空囊幾度勞心翰墨場半面爲君申一慟不知何處是家鄉明年李逢吉擢有方及第改名遊卿唐之義士也有方交州人柳子厚以序贈之

薛書記

元相公賓府有薛書記飲酒醉後因爭令擲注子擊傷相公子遂出幕醒來乃作十離詩上獻府主犬離主云馴擾朱門四五年毛香足淨主人憐無端咬著親情客不得紅絲毯上眠筆離手云越管宣毫始稱情紅牋紙上撒花瓊都緣用久鋒頭盡不得羲之手裏擎馬離廐云雪耳紅毛淺碧蹄追風曾到日東西爲驚玉貌郎君墜不得華軒更一嘶鸚鵡離籠云隴西獨自一孤身飛去飛來上錦裯都緣出去無方便不得籠中再喚人燕

離巢云出入朱門未忍拋主人常愛語交交銜泥穢汚珊瑚簞不得梁閒
更壘巢珠離掌云皎潔圓明內外通清光似照水晶宮都緣一點瑕相穢
不得終宵在掌中魚離池云戲躍蓮池四五秋常搖朱尾弄綸鈎無端擺
斷芙蓉朶不得清波更一遊鷹離主云爪利如鋒眼似鈴平原捉兔稱高
情無端竄向青雲外不得君王手上擎竹離亭云蒼鬱新栽四五行常將
貞節負秋霜爲緣春筍鑽墻破不得垂陰覆玉堂鏡離臺云鑄瀉黃金鏡
始開初生三五月徘徊爲遭無限塵蒙蔽不得華堂上玉臺元公詩云馬
上同攜今日杯湖邊還折去年梅年年祇是人空老處處何曾花不開歌
詠每添詩酒興醉遊還命管絃來罇前百事皆依舊點檢唯無薛秀才

賈耽

耽賦虞書歌云衆書之中虞書巧體法自然歸大道不同懷素只攻顛豈
類張芝惟荆草形勢素筋骨老父子君臣相揖抱孤清似竹更颺颺闊白
如波長皓渺能方正不墮倒功夫至難尋奧須知孔子廟堂碑便是青箱

中至寶

耽字敦詩貞元中爲宰相

盧貞

字子蒙會昌五年爲河南尹樂天九老會貞年未七十亦與焉

時又有內供奉盧貞

貞和劉夢得歲夜懷友云文翰走天下琴樽臥洛陽貞元朝士盡新歲一悲涼名早緣才大官遲爲壽長時來知病已莫歎步趨妨

柳枝詞云一樹依依在永豐兩枝飛去杳無蹤玉皇曾採人間曲應逐歌聲入九重

姚合

宰相崇曾孫登元和進士第調武功主簿世號姚武功又爲富平萬年尉寶應中歷監察御史戶部外郎出荆杭二州刺史後爲給事陝虢觀察使開成末終祕書監與馬戴費冠卿殷堯藩張籍遊李頻師之合有極玄集取王維等二十六人詩百篇曰此詩中射鵬手也

酉陽雜俎言僧清教句云雷電下嵩陰故姚監常吟之不輟又僧雲容句云木末上明星清教又有句云香連隣舍像荊州僧云犬熟護隣房

張籍寄合詩云病來辭赤縣案上有丹經爲客燒茶竈教兒掃竹亭詩成添舊卷酒盡臥空瓶闕下今遺逸誰占隱十星又寒食夜寄合云貧官多寂寞不異野人居作酒和仙藥教兒寫道書五湖歸去遠百事病來疏況是同懷客寒亭月上初合和張司業見寄云日月在中心青山青桂叢高人多愛靜歸路亦應同罷吏無由病因僧得解空新詩勞見問吟對竹林風

一日看除目終年損道心合之詩也

合爲魏州從事寄耿拾遺云少在兵馬閒長還繫戎職鷄飛不得遠豈要生羽翼三年城中遊與君最相識應知我衷裏不苟念衣食主人樹功名欲滅天下賊愚雖乏智謀願陳一夫力人生須氣健饑凍縛不得睡當一席寬覺乃千里窄古人不懼死徒死亦無益至交不可合一合難離析君

嘗相勸勉苦語毒胸臆百年心知同誰限河南北

送張宗元詩云東門送客道春色如死灰一客失意行十客顏色低住者
既無家去者又非歸愁窮一成疾百藥不可治子賢我且愚命分不合齊
誰開蹇躓門日日同遊棲子行何所之切切食與衣誰能買仁義今子無
寒饑野田不草草四向生路歧士人甚商賈終日須東西鴻雁春北去秋
風復南飛勉君向前路無失相見期武功縣閒居云縣去京城遠爲官與
隱齊馬隨山鹿放雞雜野禽棲連舍惟藤架侵階是藥畦更思稽叔夜不
擬作書題又云簿書多不會薄俸亦難銷醉臥慵開眼閒行懶繫腰移花
兼蝶至買石得雲饒且自心中樂從他笑寂寥又云日出方能起庭前看
種莎吏來山鳥散酒熟野人過歧路荒城少煙霞遠岫多同官更相引下
馬上西坡

劍器云聖朝能用將破敵速如神插劍龍纏背開旗火滿身積屍川沒岸
流血野無塵今日當場舞須知盡戰人

方干哭姚監云入室幾人成子弟爲儒是處哭先生又云姚杭州云身貴
久離行樂伴才高獨作後人師

移花兼蝶至買石得雲饒句插劍龍纏臂開旗火滿身句家中去城遠日

月在船多句身慙山友棄膽賴酒杯扶句右張爲主客圖取李益爲清奇

雅正主以合爲入室

唐詩紀事卷四十九

唐詩紀事卷第五十

封敖

鄭薰

王軒

宋雍

李贄

韋澳

段文昌

姚向

溫會

李敬伯

姚康

張正元

楊嗣復

炙穀子

楊厚

劉郇伯

王觀

陳上美

侯列

崔樞

陳彥博

郭良驥

崔嘏

李景讓

唐球

封敖

為池州刺史題西隱寺云三年未到九華山終日披圖一室閒秋寺喜逢晴後賞靈峯看待足時還猿從有性留僧住雲靄無心伴客閒勝事儻能銷歲月已拚名利不相關

敖字碩夫冀州人雅為李德裕所器武宗時詔慰邊將傷夷者曰傷居爾體痛在朕躬劉稹平德裕進太尉制曰言皆予同謀不他惑皆敖為之終尚書右僕射才高而行少檢故不至宰相

鄭薰

贈鞏疇詩序云九華處士鞏疇擅玄言之要通易老其於淨名僧肇尤精
達余在句溪時重其能車幣而致之及到官舍再說易一說老氏將兒姪
輩執卷列坐而傳之老氏畢業而寇難作與鞏各散去不知其何如存耶
亡耶余既休居洛師鑠扉獨靜己卯冬十一月半雪中有客扣柴門樵童
視之走復曰鞏處士遽下榻開關執手話艱苦鞏背簷笈草履杖靈壽下
笠且哈笑曰聞公恬養澹逸不屑於榮悴故以玄來助成之升榻解笈散
四書卽易老淨肇也明日講肇論階前多偃松高桂冰凍墮落有琴瑟金
石聲理致明妙神骨超爽自謂一時之遇曰與故人爲徒又意此樂之難
偕也遂成二十韻贈之詩云密雪松桂寒書窗導餘清風撼冰玉碎階前
琴磬聲榻靜几硯潔帙散縑緗明高論展僧肇精言資鞏生立意加玄虛
析理分縱橫萬化悉在我一物安能驚江海何所動丘山常自平遲速不
相闕後先徒起爭鏡照分妍醜秤稱分重輕顏容寧入鑑銖兩豈關衡蘊

微道超忽剖證音泠泠紙上掣牢劍舌端搖利兵圓澈保眞性客塵排妄
情有住卽非住無行方是行疎越捨朱絃哇淫鄙秦箏淡薄貴無味羊斟
慙大羹洪遠包乾坤幽宥潛沈冥罔煩跬步舉頓達萬里程廬遠尙莫曉
隱留曾誤聽直須持妙說共詣毗耶城

薰字子溥爲宣歙觀察使前不治薰以才力自將牙將素驕共謀逐出之
奔揚之後分司東都懿宗時爲左丞薰端勁再知禮部引寒俊士類多遺
老號所居爲隱巖自號七松處士云大中八年掌文誤以顏標爲魯公之
後以第一人處之士子嘲曰主司頭腦太冬烘錯認顏標作魯公鄭谷有
故少師從翁隱巖別業樂亂後榛蕪感舊愴懷之作卽薰也詩云風騷爲
士人風俗多清塵密行稱閨闈明誠動搢紳周旋居顯重內外掌絲綸妙
主蓬壺籍忠爲社稷臣大儀牆仞峻東轄紀綱新聞善嘗開口推公豈爲
身立朝鳴珮貴歸宅典衣貧半醉看花晚中飡煮菜春晴臺隨鹿上幽野
約僧鄰理論知清越清越江左講僧公甚稱之生徒得李頻藥香沾筆硯竹色染衣巾

寄鶴眠雲叟騎驢入室賓

咸通年舉子乘馬惟張高跨驢延於門下

近將姚監比

自姚祕監合主張風雅後

孤卿一人而已

僻與段卿親

故以成式與辛勤及徵孤卿為前序

葉積池邊路茶遲雪後薪所難

留著述誰不秉陶鈞喪亂多時變追思事已陳浮華重發作雅正甚堙淪

宗從今何在依棲素有因七松無影響

孤卿植松七本處士雙淚益愁辛猶喜自號七松處士

予門秀年來屈併伸

班即孤卿姪孫登進士科級也

王軒

王軒少為詩頗聞淇澳之篇遊西江泊舟苧蘿山下題西施石曰嶺上千

峯秀江邊細草春今逢浣紗石不見浣紗人

軒登太和進士第

宋雍

范攄云雍初無令譽及嬰瞽疾其詩名始彰盧員外綸作擬僧之詩僧清

江作七夕之詠劉隨州有眼作無眼之句宋雍無眼作有眼之詩詩流以

為四背或云四倒然辭意悉為佳致盧公詩願得遠公知姓字焚香洗鉢

過餘生清江詩曰唯愁更漏促離別在明朝劉隨州曰細雨溼衣看不見
閒花落地聽無聲雍詩曰黃鳥不堪愁裏聽綠楊宜向雨中看

李贄

貞元十二年贄以宏詞振名與李行敏同姓同甲子同年登第俱二十五
歲又同門贄嘗有詩曰因緣二紀異契分四般同

韋澳

字子斐以宏詞登科懿宗時爲邠寧節度使坐事罷鎮以祕書監分司東
都嘗戲吟曰莫將韋監同殷監錯認容身是保身此句聞於京師權倖尤
怒之

段文昌

古柏文云是草木有異於草木則靈武侯祠前柏壽千齡盤根雍門勢如
龍形含碧太空散霧虛庭合抱在於旁枝駢梢葉之青青百尋及於半身
蓄風雷之冥冥攢柯垂陰分翠閒明忽如虬螭向空爭行上承翔雲孤鸞

時鳴下蔭芳苔凡草不生古色天風蒼蒼泠泠曾到靈山古柏縱橫亦有
大者莫之與京於惟武侯佐蜀有程神其不昏表此爲禎斯廟斯柏實播
芳馨長慶二年六月題

文昌字墨卿有別業在廣都縣之南龍華山嘗杜門力學於此俗謂之段
公讀書臺長慶初朝議文昌少在西蜀諳詳利病詔授劍南節度使有邑
人贈詩曰昔日騎驢學忍饑今朝忽著錦衣歸等閒畫虎驅紅旆可謂登
龍入紫微富貴不由翁祖致文章生得羽毛飛廣都再去應惆悵猶有江
邊舊釣磯

文昌還別業有尋龍華山寺廣宣上人詩云十里惟聞松桂風江山忽轉
見龍宮正與休師方話舊風煙幾度入樓中

郭震亦有題龍華山詩曰昔年曾到此山迴百鳥聲中酒一盃最好寺邊

開眼處段文昌有讀書臺

出古今詩話

文昌父鏐爲江陵尉文昌長自渚宮客遊成都章南康與奏釋褐爲賓從

後劉闢遂佐外邑高崇文收蜀召復舊職指其椅曰此猶不足與君坐文
昌遽請歸闕至興元西鵠鳴驛有僧倚巴山之隈有前識謂文昌曰去日
既逢梅蘂綻來時應見杏花開至京屢升擢自相位拜劍南節度使西至
鵠鳴僧已物故杏花方盛

文昌客荊州從事劍南帥幕其後相穆宗罷相鎮蜀再相文宗罷相帥荆
南復鎮蜀太和九年卒

文昌鎮蜀有題武儋寺西臺詩云秋天如鏡空樓閣盡玲瓏水暗餘霞外
山明落照中鳥行看漸遠松韻聽難窮今日登臨意多歡語笑同

楊汝士時掌管記和云清淨此道宮層臺復倚空偶時三伏外列席九霄
中平視雲端路高臨樹杪風自憐榮末席前日別池籠

文昌晚夏登張儀樓呈院中諸公詩云重樓窗戶開四望斂煙埃遠岫林
端出清波城下迴乍疑蟬韻促稍覺雪風來併起鄉關思銷憂在酒盃

楊汝士和云從公城上來秋近絕纖埃樓古秦規在江分蜀望開遠山標

宿雪末席本寒灰陪賞今爲忝臨歡敢訴杯

姚向

和登武儋寺西臺詩云開閣錦城中餘閒訪梵宮九層連晝景萬象寫秋
空天半將身到江長與海通提攜出塵士曾是穆清風

向奉陪段相公晚夏登張儀樓詩云秦相架羣材登臨契上台查從銀漢
落江自雪山來儷曲親流火凌風洽小盃帝鄉如在目欲下盡徘徊
向爲節度判官時長慶二年也

溫會

登武儋寺西臺詩云桑台煙樹中臺榭造雲空眺聽逢秋興篇辭變國風
坐愁高鳥起笑指遠人同始媿才情薄躋攀繼韻窮

晚夏登張儀樓詩云危軒重疊開訪古尙徘徊有舌嗟秦策飛梁架楚材
雲霄隨鳳到物象爲詩來欲和關山意巴歌調更哀
會以殿中侍御史爲安撫判官

李敬伯

登武儋寺西臺詩云臺上起涼風乘閒覽歲功自隨台席貴盡許羽觴同
樓殿斜暉照江山極望通賦詩思共樂俱得詠時豐

晚夏登張儀樓詩云層屋架城隈賓筵此日開文風摧八陣星分應三台
望雪煩襟釋當歡遠思來披雲霄漢近慙覺出塵埃

敬伯試大理評事爲觀察推官

姚康

晚夏登張儀樓云登覽值晴開詩從野思來蜀川新草木秦日舊樓臺池
景搖中座山光接上台近秋宜晚景極目斷浮埃

登武儋寺西臺詩云松逕引清風登臺古寺中江平沙岸白日下錦川紅
疎樹山根淨深雲鳥跡窮自慚陪末席便與九霄通

康試左武衛倉曹參軍爲觀察推官

禮部試早春殘雪云微暖春潛至輕明雪向殘銀鋪光漸濕珪破色仍寒

無柳花常在非秋露正團素光浮轉薄皎質駐應難幸得依陰處偏宜帶
月看玉塵銷欲盡窮巷起袁安

賦得巨魚縱大壑云水府乘閒望圓波息躍魚從來暴泥久今日脫泉初
得志寧相忌無心任宛如龍門應可度鮫室豈常居掉尾方窮樂遊鱗每
自舒乘流千里去風力借吹噓

康字汝諧南仲孫也登元和十五年進士第大中時爲太子詹事開成時
曾以賊敗

張正元

冬日可愛詩云寒日臨清晝遼天一望時未銷埋逕雪先暖讀書帷屬思
光難駐舒情影若遺晉臣曾比德謝客昔言詩散彩寧偏照流陰信不追
餘輝如可就迴燭幸無私

東野聞夜啼贈張正元云寄泣須寄黃河泉此中怨聲流徹天愁人獨有
夜燈見一紙鄉書淚滴穿

正元登貞元五年進士第

楊嗣復

丁巳歲八月祠祭畢

一作祭武侯祠堂

因題臨淮公舊碑詩云齋莊修祀旌旆

出郊闡薙草軒墀狹塗牆赭堊新謀猷期作聖風俗奉爲神酌酒成均澤
持兵列偶人非才膺寵任異代挹芳塵况是平津客碑前淚滿巾

楊汝士和云古柏森然地修嚴蜀相祠一過榮異代三顧盛當時功德流
何遠馨香薦未衰敬名探國志飾像慰眈思昔謁從征蓋今聞擁信旗固
宜光寵下有淚刻前碑

臨淮公武元衡也元和初元衡鎮蜀嗣復爲節度推官後二十七年嗣復
鎮蜀時太和九年也汝士爲東川節度使故相唱和汝士曾爲蜀帥段文
昌掌管也

炙穀子

牡丹詩云牡丹妖豔亂人心一國如狂不惜金曷若東園桃與李果成無

語自成陰

松詩云寒松聳拔倚蒼岑綠葉分株自結陰丁固夢時還有意秦皇封日
豈無心常將正節棲孤鶴不遣高枝宿衆禽好是特凋羣木後護霜凌雪
翠逾深

竹詩云庭竹疎森玉質寒色包葱碧盡琅玕翠筠不染湘娥淚斑籜堪裁
漢主冠成韻含風已蕭瑟媚漣凝綠更檀欒此君引鳳爲龍日聳節稍雲
直上看

炙轂子王叡也元和後詩人

楊厚

早起云星漢轉寒更伊余索寞情鐘催歸夢斷雁引遠愁生危壁蘭光暗
疏簾露氣清閒庭聊一望海日未分明

厚貞元閒詩人

劉郇伯

早行云鐘靜人猶寢天高月自涼一星深戍火殘月半橋霜客老愁塵下
蟬寒怨路傍青山依舊色宛是馬卿鄉

郇伯與范鄴郎中詩友范曾得一句云歲盡天涯雨久而莫屬郇伯曰何
不曰人生分外愁范甚賞之出北夢瑣言

王觀

早行云鷄唱催人起又生前去愁路明殘月在山露宿雲收村店煙火動
漁家燈燭幽趨名與趨利行役幾時休

觀大曆貞元閒人

陳上美

咸陽懷古云山連河水碧氛氲瑞氣東移擁聖君秦苑有花空笑日漢陵
無主自侵雲古槐堤上鶯千轉遠渚沙中鷺一羣賴與淵明同把菊煙郊
西望夕陽曛

上美登開成進士第

侯列一作列

金谷園懷古云金谷千年後春花發滿園紅芳從笑日穠豔尙迎軒雨濕
輕光軟風搖碎影翻猶疑施錦帳堪歎罷朱紉愁態鶯吟澁啼容露綴繁
殷勤問前事桃李竟無言

列登元和六年進士第

崔樞

賜耆老布帛云殊私及耆老聖德賑黎元布帛忻天賜生涯作主恩情均
皆挾纒禮異賁丘園慶洽時方泰仁沾月告存寧知酬雨露空識荷乾坤
擊壤將何幸徘徊望九門

裴洎舉宏詞崔樞考之落第及洎爲宰相擢樞爲禮部笑謂樞曰聊以報
德終於祕書監

順宗時有詔曰古之所以教太子必茂選師傅以輔翼之法於訓詞而行
其典禮左右前後罔非正人是以教諭而德成也給事中陸贄中樞舍人

崔樞積學懿文守經據古夙夜講習庶協於中並充皇子侍讀

陳彥博

恩賜魏文正公諸孫舊第以導直臣云阿衡隨逝水池館主他人天意能
疇德雲孫喜庇身生前由直道歿後振芳塵雨露新恩日芝蘭故里春勳
庸流十代光彩映諸鄰共喜昇平代從茲得諫臣前定錄云彥博元和中
與謝楚同爲廣文生夢一官司列几案上有尺牘如金字者問之曰明年
進士之名見其名在三十二從上二人皆李姓而無楚名明年果如夢二
李卽李願行李仍叔也時元和五年明年楚於尹躬下擢第

白居易爲翰林學士奏云今日奉宣令撰李師道請收贖魏徵宅還其子
孫甚合朕心允依來者臣伏以魏徵太宗宰相盡忠輔佐以致太平在其
子孫合加優卹事關激勸合出朝廷師道何人輒掠此美願明勅有司特
以官錢收贖使還後嗣以勸忠臣則事出皇恩美歸聖德憲宗深然之其
後有司以爲詩題試進士

郭良驥

自蘇州至望亭驛有作云南浦菰蒲遶白蘋東吳黎庶逐黃巾野棠自發空臨水江鸞初歸不見人遠岫依依如送客平田渺渺獨傷春那堪迴首長洲苑烽火年年報虜塵觀詩所載疑李錡叛時事也

崔嘏

嘏字乾錫邢州刺史會劉稹反歸朝授考功郎中中書舍人李德裕之謫嘏草制不書其過貶端州刺史

施肩吾與之同年不睦嘏舊失一目以珠代之施嘲之曰二十九人及第五十七眼看花元和十五年也

李景讓

景讓字後已贈太尉澄孫也大中中進御史大夫威肅當朝爲大夫三月蔣伸輔政宣宗盡書羣臣名內器中禱憲宗神前射取之而景讓名不得乃見宰相自陳考深當代卽拜西川節度使景遜好獎寒士如李蔚楊知

退所善蘇滌裴夷直

寄華州周侍郎立秋日奉詔祭嶽詩云關河豁靜曉雲開承詔秋祠太守
來山霽蓮花添翠黛路陰桐葉少塵埃朱輻入廟威儀肅玉佩升壇步武
回往歲今朝幾時事謝君非重我非才

自大中至咸通相白敏中次畢誠曹確使相羅邵權崔相植因戲曰可以
歸矣近日中書皆蕃臣謂畢白曹羅皆蕃姓也始自蔣仲景讓在蜀聞報
曰不能伏事斯人也遽託疾離鎮有詩曰成都十萬戶拋若一鴻毛

出北
夢瑣

言

唐球

球有詩名如臨池洗硯云恰似有龍深處臥被人驚起黑雲生又有漸寒
沙上鷺欲暝水邊村亦佳句也球居蜀之味江山方外之士也爲詩撚藁
爲圓納之大瓢中後臥病投於江曰斯文苟不沈沒得者方知吾苦心爾
至新渠有識者曰唐山人瓢也接得之十纔二三

題鄭處士隱居云不信最清曠及來愁已空數點泉石雨一溪霜葉風業
在有山處道成無事中酌盡一樽酒老夫顏亦紅

贈行如上人云不知名利苦念佛老岷峨補衲雲千片焚香篆一窠戀山
人事少憐客道心多日日齋鐘罷高懸瀘水羅

題青城范賢觀云數里緣山不厭難爲尋真訣問黃冠苔鋪翠點山橋滑
松織香稍古道寒晝傍綠畦薺嫩玉夜開紅竈撚新丹孤鐘已斷泉聲在
風動瑤花月滿壇

贈僧云曾聞半偈雪山中貝葉翻時理盡通般若常添持戒力落義誰算
念經功雲閒曉月應難染海上虛舟自信風長說滿庭花色好一枝紅是

一枝空

詩見茅亭客話

球生於唐末至性純慤篤好雅道放曠疎逸邦人謂之唐隱居或云王建
帥蜀召爲參謀不就今以故居爲隱居寺

北夢瑣言曰球詩思遊歷不出二百里

李洞贈唐山人云長鬚長我髮七十色如鰲醉眼青天小吟情太華低千
年松遶屋半夜雨連溪邛蜀路無限往來琴自攜

不知是
球否也

唐詩紀事卷第五十一

白敏中

魏扶

馬植

崔鉉

殷堯藩

沈亞之

裴夷直

楊敬之

房千里

厲元

喻鳧

楊衡

符載

王彥威

繁知一

楊洵美

白敏中

白敏中字用晦武宗欲詔居易德裕卽薦敏中文類其兄有器識卽日知制誥宣宗立德裕貶乃力詆之五年十三遷至門下侍郎咸通二年以太傅致仕卒至日上公獻壽酒云候曉天門闢朝天萬國同瑞雲昇觀闕香氣映華宮日色臨仙籙龍顏對昊穹羽儀瞻百姓獻壽侍三公化被君王治恩沾草木豐自欣朝玉座宴此詠皇風敏中方爲郎唯德裕特以國器重之大中初邊鄙不寧吐蕃屈彊宣宗決於致討延英先問宰臣敏中首奏興師遂爲統帥宣宗初覽捷書云我知敏中必殄凶醜敏中凱旋與同

列宰輔進詩敏中詩云一詔皇城四海頒醜戎無數束身還戍樓吹笛人
休戰牧野嘶風馬自閒河水九盤收數曲天山千里鎖諸關西邊北塞今
無事爲報東南夷與蠻魏扶詩云蕭關新復舊山川古戍秦原景象鮮戎
虜乞降歸惠化皇威漸被懾腥羶穹廬遠戍煙塵滅神武光揚竹帛傳左
衽盡知歌帝澤從茲不更備三邊崔鉉詩云邊陲萬里注恩波宇宙羣方
洽凱歌右地名王爭解辦遠方戎壘盡投戈煙塵永息三秋戍瑞氣遙清
九折河共偶聖朝千載運更觀俗阜與時和王起長慶中再主文柄意欲
以第一人處敏中恨其與賀拔碁爲友碁有文而落魄因密令親知述意
俾與碁絕敏中忻然曰如所教旣而碁造門左右給以敏中他適碁遲留
不言而去俄頃敏中躍出見碁於是悉以實告乃曰一第何門不致奈輕
負至交相與歡醉或語於起起曰我比只得敏中今當更取碁矣以第一
人處碁而敏中居三焉杜牧云今皇帝一詔會兵不日功集河湟關郡次
第歸降因獻詩云捷書皆應運謀期十萬曾無一鏃遺漢武慙誇朔方地

宣王休道太原師威加塞外寒來早恩入河源凍合遲聽取滿城歌舞曲
涼州聲韻喜參差牧又和敏中詩呈上三相云行看臘破好年光萬壽南
山對未央黠憂可汗修職貢文思天子復河湟應須日御西巡狩不假星
弧北射狼吉甫裁詩歌盛業一篇江漢美宣王牧又作河湟詩云元載相
公會借筋憲宗皇帝亦留神旋見衣冠就東市忽遺弓劍不西巡牧羊驅
馬雖戎服白髮丹心盡漢臣唯有涼州歌舞曲流傳天下樂閒人

魏扶

魏扶登太和四年進士第大中初知禮闈入貢院題詩云梧桐葉落滿庭
陰鎖閉朱門試院深曾是當年辛苦地不將今日負前心榜出無名子削
爲五言詩以譏之李義叟義山弟也是歲登第義山因上魏公詩曰國以
斯文重公仍內署來風標森太華星象逼中台朝滿遷鶯侶門多吐鳳才
寧同魯司寇只鑄一顏回

馬植

敏中之捷植時爲相和敏中詩云舜德堯仁化犬戎許提河隴款皇風指
揮驅武皆神算恢拓乾坤是聖功四帥有征無汗馬十關雖戍已弢弓天
留此事還英主不在他年在大中

元和中令狐楚鎮三峯時及秋賦榜云特加試五場莫有至者唯盧洪正
請試已試兩場而植不解植將家子從事竊笑曰此未可知已而試登山
採玉賦略曰文豹且異於驪龍探斯疎矣白石又殊於珉蚌剖莫得之公
大服其精遂奪解元後洪正自丞郎將判齏俄爲植所據復以手札戲植
曰昔日華元已遭毒手今來齏務又中老拳植罷南安都護又除黔南殊
不得意維舟峽中古寺前寺有長堤夜月明甚見白衣緩步堤上吟曰截
竹爲筒作笛吹鳳凰池上鳳凰飛勞君更向黔南去卽是陶鎔萬類時邀
問則失之矣後自黔南召入爲大理遷刑部判鹽鐵拜相
植字存之爲李德裕所抑頗怨望宣宗立白敏中當國凡德裕所不善悉
不次用之故植遂相

崔鉉

魏公鉉玄略之子也爲兒時隨父訪韓晉公滉滉指架上鷹令詠焉吟曰
天邊心膽架頭身欲擬飛騰未有因萬里碧霄終一去不知誰是解條人
滉曰此兒可謂前程萬里也寶曆三年登第久居廊廟三擁節旄宣宗嘗
謂侍臣曰崔鉉真貴人裴休真措大初李石鎮江陵辟爲戎倅一旦告去
旣入京華俄升翰苑造朝凡三歲石未離荆渚崔旣秉鈞衡石馳牋賀之
曰某早拜光塵叨承眷與深蒙異獎屢接清言幸曾辱於厚恩俯見循於
末契去載分麾南楚拜節西秦思賢方詠於嘉魚棲止實慙於威鳳賓筵
初啟曾陪樽俎之歡將幕未移已在陶鎔之下光生隣部喜溢轅門豈唯
九土獲安斯亦一方多幸乃掌記李鷺之詞也

鉉字台碩相武宗與德裕不協罷復相宣宗除揚州大都督長史封魏國
公宣宗於太液亭賦詩宴餞有七載乘鈞調四序之句識者榮之

殷堯藩

元和九年韋貫之掌文衡堯藩雜文黜矣尙書楊漢公乃貫之前榜門生
盛言堯藩屈貫之爲重收是年登第

撫言謂之
旣落復收

三日贈都上人二首云三月初三日千家與萬家蝶飛秦地草鶯入漢宮

花鞍馬皆爭麗笙歌盡鬪奢吾師無所願唯願老煙霞

其一

曲水公卿宴香

塵盡滿街無心修禊事獨步到禪齋細草縈愁日繁花逆旅懷綺羅人走

馬遺落鳳凰釵

其二

堯藩登第許渾贈詩云幾載名聞翰墨林爲從知己信浮沈青山有雪諳
松性碧落無雲稱鶴心帶月獨歸蕭寺遠翫花頻醉庾樓深尋思一見如
瓊樹空把新詩盡日吟

堯藩從李翱長沙幕後以侍御官江南姚合有送堯藩歸同州詩

堯藩爲永樂令雍陶寄詩云古縣蕭條秋景晚昔時陶令亦如君

堯藩有憶江南詩三十章皆蘇杭事樂天詩曰江南名郡數蘇杭寫在殷

家三十章君是旅人猶苦憶我爲刺史更難忘

堯藩有宮詞云吳宮愛歌舞夜夜醉嬋娟見日吹紅燭和塵掃翠鈿徒令
勾踐霸不信子胥賢若問長洲草荒涼無限年又有館娃宮詩云宮女三
千去不回真珠翠羽是塵埃夫差舊國久破碎紅燕自歸花自開又有暮
煙葵葉屋秋月竹枝歌句欲射狼星把弓箭休將螢火讀詩書句右張爲
取作主客圖

堯藩未第時許渾寄詩云直道知難用經年向水濱宅從栽竹貴家爲買
書貧就學多新客登朝盡故人蓬萊自有路莫羨武陵春又酬堯藩云相
知愧許詢寥落向溪濱竹馬兒猶小荆釵婦慣貧獨愁憂過日多病不如
人莫怪青袍選長安隱舊春

沈亞之

字下賢登進士第大和中李同捷反詔兩河諸鎮出兵久無功乃授柏耆
德利行營諸軍計會使亞之以殿中侍御史爲判官諭旨會李祐平德州
同捷窮請降耆乃馳入滄誅同捷諸將嫉其功比奏譖詆文宗不獲已貶

耆循州司戶參軍亞之南康尉張祐以詩送云秋風江上草先是客心摧
萬里故人去一行新雁來山高雲緒斷浦迴日波頽莫怪南康遠相思不
可裁

亞之吳人元和七年下第李賀以詩送云吳興才人怨春風桃花滿陌千
里紅紫絲竹斷駿馬小家住錢塘東復東是也

杜牧之贈詩云斯人清唱何人和草徑荒苔不可尋一夕小敷山下夢水
如環珮月如襟

亞之村居詩云無樹巢宿鳥無酒共客醉月上蟬韻殘梧桐陰繞地獨出
村舍門吟劇微風起蕭蕭蘆荻叢叫嘯如山鬼應緣我憔悴爲我發愁思
五月發石頭城步望前船示弟詩云客子去淮陽蹉跎客夢長水關開夜
鏢霧棹起晨涼煙月期同賞風波忽異行隱帆曾撼櫂轉瀨指遙檣蒲葉
錢刀綠筠筒楚糗香音書報惠遠爲我憶檀郎

李商隱擬沈下賢詩云千二百輕鸞春衫瘦著寬倚風行稍急含雪語應

寒帶火遺金斗兼珠碎玉盤河陽看花過曾不問潘安

裴夷直

王質傳云李德裕擢爲河南尹宣歙觀察司幕府君河東裴夷直天水趙
晷隴西李行方梁國劉蕡皆一時選云

獻歲

一作獻
劉蕡

書情云白髮添雙鬢空宮又一年音書雁不到夢寐兔空懸

地遠星辰別

一作側

天高雨露偏聖朝知有感雲海謾相連

同樂天中秋夜洛河翫月二首詩云清洛半秋懸璧月綵船當夕泛銀河
蒼龍領底珠皆沒白帝心邊鏡乍磨海上幾時霜雪積人閒此夜管絃多
須知天地爲鑪意盡取黃金鑄作波又云不熱不寒三五夕晴川朗月正
相臨千珠競沒蒼龍領一鏡高懸白帝心幾處淒涼緣地遠有時惆悵值
雲陰何如清洛如清晝共見初升又見沈

李景讓傳云所善蘇滌裴夷直皆爲宗閔嗣復所擢故景讓在會昌時抑
厭不遷

夷直字禮卿文宗時爲右拾遺張克勤以五品官推與其甥夷直時爲禮部員外郎劾曰是開後日賣爵之端詔聽遂著于令爲中書舍人武宗立視冊牒不肯書出刺杭州斥驩州司戶參軍宣宗初復拜江華等州刺史終散騎常侍夷直戲唐仁烈詩云自知年幾偏爲少先把屠蘇不讓春倘更數年逢此日還應惆悵羨他人

楊敬之

客思吟云禾黍正離離南園翦白芝細腰沈趙女高髻唱蠻姬路愧前岡月梳慚一頷絲鄉人不可語獨念畏人知

姚合寄楊祭酒云日日新詩出城中寫不禁清光宜對竹閒雅勝聞琴門戶饒清景兒童解冷吟雪山持管盡莫惜別人尋

敬之字茂孝文宗命爲祭酒兼太常少卿是日二子戎載登科時號楊家三善敬之華山賦最爲韓愈李德裕所稱士林一時傳布

霜樹鳥棲夜空街雀報明碧山相倚暮歸雁一行斜右張爲取作主客圖

房千里

房千里博士初上第遊嶺徼詩序云有進士韋滂者自南海邀趙氏而來
爲余妾西上京都調於天官乃與趙別約中秋爲會期趙極悵戀余乃杼
詩寄情曰鸞鳳分飛海樹秋忍聽鐘鼓越王樓只應霜月明君意緩撫瑤
琴送我愁山遠莫教雙淚盡雁來空寄八行幽相如若返臨邛市畫舫朱
軒萬里遊萬里橋在蜀川房至襄州逢渾侍御赴弘農蕃陽之命乃以情意相託
許到府邸遣人訪之趙氏卻從韋矣渾寄房詩曰春風白馬紫絲韁正值
蠶眠未採桑五夜有心隨暮雨百年無節待秋霜重尋繡帶朱藤合卻認
羅裙碧草長爲報西遊減離恨阮郎纔去嫁劉郎

千里以罪居廬陵作新居竹室記云予方窮不能奮其處於是亦宜矣
千里字鵠舉大和進士也終於高州刺史

馬使君與千里俱貶端州李群玉別詩云俱來海上歎煙波君珮銀魚我
觸羅經國才微甘放蕩專城年少豈蹉跎應憐旅夢千里思共愴離心一

曲歌唯有管絃知客意分明吹出感恩多

厲元

元日觀朝云玉座臨新歲朝盈萬國人火連雙闕曉仗列五門春瑞雪銷
鴛瓦祥光在日輪天顏不敢視稱慶拜空頻

元太和二年進士終於侍御史有子自南登中和進士第

元有從軍行云邊草旱不春劍光增野塵戰場收驥尾清瀚怯龍鱗帆色
起歸越松聲厭避秦幾時逢范蠡處處是通津右張爲取作主客圖

姚合題厲侍御所居云幽棲一畝宮清峭似山峯隣里不通徑俸錢惟買
松野人時寄宿谷鳥自相逢朝路門前是誰知曉起慵

喻鳧

元日卽事云斂板賀交親稱觴詎有巡年光悲擲舊景色喜呈新水柳煙
中重山梅雪後眞不知將白髮何以度青春

贈李商隱云羽翼恣搏扶山河使筆驅月疎吟夜桂龍失詠春珠草細盤

金勒花繁倒玉壺徒嗟好章句無力致前途

浴馬云解鞚復收鞍長津動細漣空蹄沈綠玉闊臆沒連錢沐漩橋聲下

嘶盤柳影邊常聞稟龍性固與白波便

姚合有送喻鳧詩歸毗陵云闕下詩名出鄉中賦籍除又曰吾亦家吳者

無因見敝廬杜荀鶴寄鳧詩云此時行徑無人跡唯望音徽問寂寥

鳧毗陵人開成進士也卒於烏程令顏淵明鏡覺思苦白雲知句滄洲違

釣隱紫閣負僧期句酬難塵鬢皓坐久壁燈青句滄洲未歸迹華髮受恩

心句右張爲取作主客圖

北夢瑣言云鳧體閎仙爲詩嘗謁杜紫微不遇乃曰我詩無羅綺紅粉宜

其不售也

鳧與方干友善干嘗贈詩云知心似古人歲久分彌親離別波濤闊留連

槐柳新墓陵寒貰酒漁浦夜垂綸自此星居後音書豈厭頻又哭鳧詩云

日夜役神多損壽先生下世未終年撰碑縱託登龍伴營奠應支賣馬錢

孤壘陰風吹細草空窗溼氣漬殘篇
人閒別更無冤事到此誰能與問天
楊衡

宿青牛谷云隨雲步入青牛谷
青牛道士留我宿可憐夜久月明中
惟有壇邊一枝竹

衡寄徹公云北風吹霜霜月明
荷葉枯盡越水清別來幾度龍宮宿
雪山童子應相逐

題花樹云都無看花意偶到樹邊來
可憐枝上色一一爲愁開
竹亭送姪偁云落葉寒擁壁清霜夜
霑石正是憶山時復送歸山客殷勤
一樽酒曉月當窗白

哭李象云白雞黃犬不將去寂寞空
餘葬時路草死花開更幾年後人知
是何人墓憶君思君獨不眠夜寒月
照青楓樹

邊思云蘇武節旄盡李陵音信稀
花當隴上發人向隴頭歸
仙女辭云玉笄初侍紫皇君
金縷鴛鴦滿絳裙仙宮一閉無消息
遙結芳

心向碧雲

題山寺云千峰白露後雲壁挂殘燈曙色海邊月經聲松下僧意閒門不
閉年去水空澄稽首如何問森羅盡一乘

送孔周之南海謁王尙書云泛棹送流萍桂寒山更青望雲生碧落看日
下滄溟潮盡收珠母沙閒拾翠翎自趨龍戟下再爲送芳馨

寄廬山隱者云風鳴雲外鐘鶴宿千年松相思杳不見月出山重重

孟東野有悼吳興楊衡詩云君生雪水清君死雪水渾空有骨肉親哭得
日月昏永夜不復曉古松長閉門琴絃綠水絕詩句青山存昔爲芳春顏
今爲芳草根獨恨冥漠理先儒未嘗言

衡與符載崔群隱廬山號山中四友

符載

符載字厚之蜀人有奇才始與楊衡宋濟習業青城山衡擢第濟老死無
成唯載以王霸自許恥於常調韋皋鎮蜀辟爲支使雖曰受知尙多偃蹇

皋常於二十四化設醮請撰齋詞於時陪飲於摩訶池載離席盥漱命小吏十二人捧硯人分兩題緩步池上載各授口占其敏速如此劉闢時爲金吾曹參軍始依皋載與撰眞贊云矯矯化初氣傑文雄靈螭出水秋鶚乘風行義則固輔仁乃通他年良覲麟閣之中及皋卒闢總留務載亦在幕中及闢敗載遂免禍載居廬山遣三尺童子持數幅書乞買山錢百萬於于頔于卽與之

柳子厚賀趙江陵宗儒啟云伏聞以武都符載爲記室天下立志之士雜然相顧繼以歎息知爲善者得其歸嚮流言有所閒執直道之所行義風之所揚堂堂焉實在荆山之南矣夫以符君之藝術志氣爲時聞人才位未會盤桓固久中間因緣陷在危邦與時偃仰不廢其道而爲見嫉者橫致脣吻房給事以高節特立明之於朝王吏部以清議自任辨之於外然猶小人浮議困在交戟凡諸侯之欲得符君者城聯壤接而惑於騰沸環視相讓莫敢先舉及受署之日則皆開口垂臂悵望悼悔譬之採珠於海

而徑寸先得則衆皆快然罷去知奇寶之有所歸也嗚呼巧言難明下流多謗自非大人君子出世之氣則何望焉瞻望清風若在天外無任感激

欣躍之至

房式傳云劉闢發兵書牒首曰闢副曰式參謀曰符載似謗也

崔群送載歸蜀觀省序云旄頭光明垂三十載不習俎豆化爲王侯者十有八九焉由是隱逸憔悴羔雁不行蒼山沈沈側陋不顯建中初有峨眉客符君發六籍棹三湘深入匡廬絕跡半紀學窺顏子之門闕文紹陳君之骨鯁逸慕嚴光之垂釣志數管寧之不欺結廬熙熙人不知其然也頃予奉命江西三年往復彭蠡未嘗不詠湖月漱天倪造符君雲扃宿五老君峰下動更晦朔不理還棹偶丹霄至人白鶴羽客攀靈芝跪天壇相顧永息乎蓬瀛豈復久縈於塵網賴君超澹愴興舊遊雖笑語飲食如常終忽忽若居大夢君家在岷蜀展慶高堂將聖賢典籍充人子幣帛期所以激衰俗扇清風方伯地君不以厚禮遲吾子予未之信秋九月楚人歌採蘭以送之

或云載始隱廬山不爲章句學貞元中李巽爲江西觀察薦其材授奉禮郎南昌君副使繼辟西川韋皋掌記澤潞鄴士美參謀歷協律郎監察御史卒常以賤叩襄陽樊澤曰故處士孟浩然丘壠頽沒公欲更築大墓久之未遑誠令好事者乘而有之負公夙志矣澤乃爲刻碑鳳林山南村寵其墓

王彥威

長安舊俗以不歷臺省出領廉車節鎮者率呼爲麤官大率重內而輕外今東京皇城乾元門舊宣武軍鼓角樓也節度使王彥威有詩刻石其上曰天兵十萬勇如貔正是酬恩報國時汴水波瀾喧鼓角隋堤楊柳拂旌旗前驅紅旆關西將坐閒青娥趙國姬寄語長安舊冠蓋麤官到底是男兒威自太常博士出辟使府至茲鎮故有是句後梁氏建國其石不知所存薛能亦有謝寄茶詩云麤官寄與直拋卻賴有詩情合得嘗弘文館舊不置學士文宗特置一員以待彥威爲戶部侍郎邊兵訴所賜不時縑皆

弊惡貶衛尉卿俄爲忠武節度使徙宣武卒

繁知一

樂天除蘇州刺史自峽沿流赴郡時秭歸縣繁知一聞居易將過巫山先於神女祠粉壁大書之曰忠州刺史今才子行到巫山必有詩爲報高唐神女道速排雲雨候清詞居易覩之悵然邀知一至曰歷陽劉郎中禹錫三年理白帝欲作一詩而不能罷郡經過悉去千餘詩但留四章而已沈佺期詩曰巫山高不極合沓狀奇新閭谷疑風雨幽崖若鬼神月明三峽曙潮滿九江春爲問陽臺客應知入夢人王無競詩曰神女向高唐巫山下夕陽徘徊作行雨婉變逐荆王電影江前落雷聲峽外長朝雲無處所臺館曉蒼蒼皇甫冉詩云巫峽見巴東迢迢出半空雲藏神女館雨到楚王宮朝暮泉聲落寒暄樹色同清猿不可聽偏在九秋中李端詩曰巫山十二重皆在碧空中迴合雲藏日霏微雨帶風猿聲寒度水樹色暮連空悲向高唐去千秋見楚宮居易吟四篇與繁生同濟卒不賦詩

楊洵美

答李昌期詩云三山載群仙峨峨鹹浪中雲衣翦不得此路安可從我生
亦何事出門如飛蓬白日又黃昏所悲瑤草空蟲聲故鄉夢枕上禾黍風
吾道如未喪天運何時通

洵美登寶歷元年進士第終監察御史

洵美有暮鷗不噪禁城樹衙鼓未殘賓衛秋之句洎答昌期詩張爲取作
主客圖

唐詩紀事卷第五十二

雍裕之

裴潏

皇甫曙

李肱

皇甫松

徐凝

張祜

崔涯

盧儲

趙璜

柴夔

王繼勳

夏鴻

曹汾

楊鴻

易重

雍裕之

翦綵花云敢競桃李色自呈刀尺功蝶猶迷翦翠人豈辨裁紅

春晦送客云野酌亂無巡送君兼送春明年春色至莫作未歸人

裕之貞元後詩人也

五雜俎云五雜俎刺繡窠往復還織錦梭不得已成交河

自君之出矣寶鏡為誰明思君如隴水長聞嗚咽聲

裴潏

長安豪貴惜春殘爭賞先開紫牡丹別有玉杯承露冷無人肯向月中看

長安三月十五日兩街看牡丹甚盛慈恩寺元果院花最先開太平院開最後潏作白牡丹詩題壁閒太和中駕幸此寺吟翫久之因令宮嬪諷念及暮歸此詩滿六宮矣

潏河東人柳泌爲憲宗治丹劑潏上疏極諫帝卒以藥棄天下世以爲知言潏以兵部侍郎卒嘗哀古今詞章續文選號太和通典上之當時之士非與游者不取世恨其隘

開成元年李衛公分司東都居平泉別墅潏述其素尙賦四言詩十四章兼述山泉之美明年衛公觀察浙西潏自兵侍尹河南乃刻于石首章云動靜有源進退有期用在得正明以知微夫惟哲人會且有歸靜固致動安無慮危將憇于盤止亦先機

皇甫曙

立春日呈宮傅侍郎云朝旦微風吹曉霞散爲和氣滿家家不知容貌潛消落且喜春光動物華出問池冰猶塞岸歸尋園柳未生芽摩挲酒甕重

封閉待入新年共賞花

曙元和十一年中書舍人李逢吉下登第逢吉所擢多寒素時有詩曰元和天子丙申年三十三人同得仙袍似爛銀文似錦相將白日上青天是歲高澥第一人劉端夫李行方周匡物廖有方輩皆預選寶歷閒崔從鎮淮南曙爲行軍司馬

李肱

開元太平日萬國賀豐歲梨園厭舊曲玉座流新製鳳管遞參差霞衣競搖曳宴罷水殿空輦餘香草細蓬壺事已久仙樂功無替誰肯聽遺音聖明知善繼肱開成二年試霓裳羽衣曲詩也是年秋帝命高鍇復司貢籍詔曰夫宗子維城本枝百代封爵所宜無令廢絕常年宗正寺解送人恐有浮薄以忝科名在卿精揀藝能勿妨賢路所試賦則准常規詩則依齊梁體格乃試琴瑟合奏霓裳羽衣曲詩主司先進五人詩其最佳者李肱次則王牧乃以榜元及第帝覽之曰近屬如肱者其不忝乎高鍇奏曰臣

錯昨日奉宣進旨令將進士所試詩賦進來者伏以陛下聰明文思天縱聖德今年詩賦比於去年又勝數等臣日夜考較敢不推公進士李肱霓裳羽衣曲詩一首最爲迴出更無其比詞韻既好人才俱美前場吟咏近三十五遍雖使何遜復生亦不能過兼是宗枝臣與狀頭第一人以獎其能次張棠詩一首亦絕好亞次李肱臣與第二人其次沈黃中琴瑟合奏賦又似文選中雪月賦體格臣與第三人其次王牧賦自立意緒言語不凡臣與第四人其次柳棠詩賦興思敏速日中便成臣與第五人凡此五卷詩賦擢其中科實所不愧其餘三十五人或獎舊文別錄人材非止一途四面搜擇臣竝與及第李肱舊文亦好人物絕奇每視且他日必爲卿相宗枝之俊實爲難得況屬籍之中讀書爲文者甚少伏望聖明俯留宸覽李肱等五人詩賦若有不堪敢受欺天之罪如或可採伺候聖心其李肱詩賦伏望陛下聖慈特降獎飭宣示百僚以勸皇族修飭之道臣繆忝主司不勝悽悽之誠其詩賦總爲一卷謹隨狀奉進以聞

范攄云肱止於岳齊二牧

皇甫松

古松感興云皇天后地力使我向北生貴賤不我均若爲天公情我家世
道德旨意匡文明家集四百卷獨立天地經寄言青松姿豈羨朱槿榮昭
昭大化光共此遺芳馨

怨回紇歌云白首南朝女愁聽異域歌收兵頡利國飲馬胡蘆河毳布腥
羶久穹廬歲月多鵬巢城上宿吹笛淚滂沱又云祖席駐征棹開帆候信
潮隔筵桃葉泣吹管杏花飄船去鷗飛閣人歸鹿上橋別離惆悵淚江路
溼紅蕉

松著醉鄉日月三卷自敍或曰松丞相奇章公表甥公不薦舉怨望因襄
陽大水極言誹謗有夜入眞珠室朝遊玳瑁房之句眞珠公愛姬名也
拋毬樂詩云紅撥一聲飄輕毬墜越綃帶翻金孔雀香滿繡蜂腰少少拋
分數花枝正索饒又云金盛花毬小眞珠繡帶搖幾回銜蠟燭千度入春

嬌上客終須醉觥杯自亂跳

松有登郭隗臺詩云燕相謀在茲積金黃巍巍上者欲何顏使我千載悲
又有勸僧詩酒云勸僧一杯酒共看青青山酣然萬象滅不動心卽閒張
爲取作作主客圖

松韓門弟子湜之子也

徐凝

宿冽上人房云浮生不定若蓬飄林下眞僧偶見招覺後始知身是夢更
聞寒雨滴芭蕉

凝睦州人樂天詩中有李郎中訪徐凝山人云郡守輕詩客鄉人薄釣翁
解憐徐處士惟有李郎中

范攄言樂天爲杭州刺史令訪牡丹獨開元寺僧惠澄近於京師得之植
於庭時春景方深惠澄設油幕覆其上會凝自富春來未識白先題詩云
此花南地知難種慙愧僧閒用意栽海鷺解憐頻睥睨胡蜂未識更徘徊

虛生芍藥徒勞妬羞殺玫瑰不敢開惟有數苞紅萼在含芳只待舍人來
白尋到寺看花乃命徐同醉而歸時張祐榜舟而至二生各希首薦白曰
二君論文若廉白之鬪鼠穴勝負在於一戰也遂試長劍倚天外賦餘霞
散成綺詩試訖解送凝爲元祐次耳祐曰詒詩有地勢遙尊岳河流側讓
關又題金山寺詩曰樹影中流見鐘聲兩岸聞雖綦母潛云塔影挂清漢
鐘聲扣白雲此句未爲佳也凝曰美則美矣爭如老夫今古長如白練飛
一條界破青山色凝遂擅場歎曰榮辱糾紛亦何常也遂行歌而邁凝亦
鼓枻而歸自是二生不隨鄉賦矣白又以祐宮詞四句皆數對末足奇也
後杜牧守秋浦與祐爲詩酒友酷吟祐宮詞以白有非祐之論常不平之
乃爲詩以高之曰睫在眼前人不見道於身外更何求誰人得似張公子
千首詩輕萬戶侯又曰如何故國三千里虛唱宮詞滿六宮杜盛言其美
者欲以苟異於白而曲成於張也故牧又著論言近有元白者喜爲淫言
媠語鼓扇浮囂吾恨方在下位未能以法治之斯亦敷佐於祐耳潘若冲

郡閣雅談云凝官至侍郎多吟絕句曾吟廬山瀑布膾炙人口又題處州縉雲山黃帝上昇之所鼎湖蓋黃帝鑄鼎處也有池在山頂詩云黃帝旌旗雲不迴空餘片石碧崔嵬有時風捲鼎湖浪散作晴天雨點來自後無敢題者凝送馬向遊蜀云遊子去咸京巴山萬里程白雲連鳥道青壁遞猿聲雨雪經泥坂煙花望錦城工文人共許應記蜀中行

送李補闕歸朝云四壯歸城闕雙鳧去海門還從青切禁再沐聖明恩禮樂中朝盛文章大雅存江湖多放逸獻替欲誰論

問漁叟云生事同漂梗機心在野船如何臨逝水白髮末忘筌

樂天薦徐凝屈張祜論者至今鬱鬱或歸白之妬才也余睹皮日休論祜云祜元和中作宮體詩辭曲豔發當時輕薄之流重其才合譟得譽及老大稍闕建安風格誦樂府錄知作者本意講諷怨譎時與六義相左右此爲才之最也祜初得名乃作樂府豔發之詞其不羈之狀往往閒見凝之操履不見於史然方干學詩於凝贈之詩曰吟得新詩草裏論戲反其詞

謂村裏老也方干世所謂簡古者且能譏凝則凝之朴略椎魯從可知矣
樂天方以實行求才薦凝而抑祐其在當時理其然也令狐楚以祐詩三
百篇上之元稹曰雕蟲小技或獎激之恐害風教祐在元白時其譽不甚
持重杜牧之刺池州祐且老矣詩益高名益重然牧之少年所爲亦近於
祐爲祐恨白理亦有之余嘗謂文章之難在發源之難也元白之心本乎
立教乃寓意於樂府雍容宛轉之詞謂之諷諭謂之閒適既持是取大名
時士翕然從之師其詞失其旨凡言之浮靡豔麗者謂之元白體二子規
規攘臂解辯而習俗既深牢不可破非二子之心也所以發源者非也可
不戒哉

青山非舊路白首醉還鄉

別白
公句

試到第三橋便入千頃花

句

高景爭來草

木頭一生心事酒前休山公自是山人侶攜手醉登城上樓

答白
公句

右張爲

取作主客圖

張祐

唐詩紀

事

卷第五十二

五

無錫丁氏校刊

題金山寺云一宿金山頂微茫水國分僧歸夜船月龍出曉堂雲樹影中流見鐘聲兩岸聞因悲在朝市終日醉醺醺

寓懷寄蘇州劉郎中云一聞周召佐明時西望都門強策羸天子好文才自薄諸侯力薦命猶奇賀知章口徒勞說孟浩然身更不疑唯是勝遊行未徧欲離京國尙遲遲

入潼關云都城三百里雄險此迴還地勢遙尊岳河流側讓關秦皇曾虎視漢祖昔龍顏何處梟兇輩干戈自不閒

故國三千里深宮二十年一聲何滿子雙淚落君前自倚能歌曲先皇掌上憐新聲何處唱腸斷李延年二章祜所作宮詞也傳入宮禁武宗疾篤目孟才人曰吾卽不諱爾何爲哉指笙囊泣曰請以此就縊上憫然復曰妾嘗藝歌請對上歌一曲以泄其憤上許乃歌一聲何滿子氣亟立殞上令醫候之曰脈尙溫而腸已絕帝崩柩重不可舉或曰非俟才人乎爰命具櫬輓至乃舉祜爲孟才人嘆予曰才人以誠死上以誠命雖古之義激

無以過也歌曰偶因歌態詠嬌頰傳唱宮中十二春卻爲一聲河滿子下
泉須弔舊才人

杜牧之與祜遊酷吟其宮詞亦知樂天有非之之論乃爲詩曰睫在眼前
人不見道超身外更何求誰人得似張公子千首詩輕萬戶侯

寧哥來云日映宮城霧半開太真簾下畏人猜黃翻綽指向西樹不信寧
哥迴馬來

退宮人云開元皇帝掌中憐流落人閒二十年長說承天門上宴百官樓
下拾金錢又云歌喉漸退出宮闈泣訴伶官上許歸猶說入時歌聖壽內
人初著五方衣

玉環琵琶云宮樓一曲琵琶聲滿眼雲山是去程指顧段師非汝意玉環
休把恨分明

春鸚囀云興慶池南柳未開太真先把一枝梅內人已唱春鸚囀花下倅
倅頓舞來

容兒鉢頭云爭走金車叱鞅牛笑聲誰是說千秋兩邊角子羊門裏猶學容兒弄鉢頭

邠娘羯鼓云新教邠娘羯鼓成大酺初日最先呈冬兒指向真真說一曲乾鳴杖子輕

耍娘歌云宜春花夜雪千枝妃子偷行上密隨便喚耍娘歌一曲六宮生老是娥眉

悖拏兒舞云春風南內百花時道調梁州急便吹揭手便拈金椀舞上皇驚笑悖拏兒

集虛臺云日光斜照集虛臺紅樹花迎曉露開昨夜上皇新授籙太真含笑入簾來

阿鶻湯云月照宮城紅樹芳綠窗燈影在雕梁金輿未到長生殿妃子偷尋阿鶻湯

和杜牧之齊山登高云秋溪南岸菊霏霏急管繁絃對落暉紅葉樹深山

逕斷碧雲江淨浦帆稀不堪孫盛嘲時笑願送王洪醉夜歸流落正憐芳
意在砧聲徒促授寒衣

感王將軍柘枝妓歿云寂寞春風舊柘枝舞人休唱曲休吹鴛鴦鈿帶拋
何處孔雀羅衫付阿誰畫鼓不聞招節拍錦靴空想挫腰支今來坐上偏
惆悵曾是堂前教徹時

題于越亭云扁舟亭下駐煙波十五年遊重此過洲背露沙人渡淺樹稍
藏竹鳥啼多山銜落照欹紅葢水蹙斜文卷綠羅腸斷中秋正圓月夜來
誰唱異鄉歌

世傳韋鮑二生以妾換馬之事云韋生下第東歸同憇水閣鮑有美妾韋
有良馬鮑以夢蘭小倩佐歡飲酣停杯閱馬軒楹韋曰能以人換任選殊
尤鮑欲馬之意頗切密遣四絃更衣盛裝頃之而至乃命勸韋酒歌云白
露溼庭砌皓月臨前軒此時去留恨含思獨無言又歌送鮑生酒云風颭
荷珠雖暫圓多生信有短姻緣西橋今夜三更月還照離人泣斷絃韋乃

命牽紫叱撥以酬之俄有紫衣冠二人自閣西升階而來二生恐悚閉戶
窺之一人長髯曰足下賦云斜漢左界北陸南躔白露暖空素月流天可
謂光絕對曰何不見賞風霽地表雲斂天末洞庭始波木葉微脫今夜月
如晝可以爲賦長髯曰向聞妾換馬之事可以爲題以彼傾城求其駿足
爲韻長髯曰彼佳人兮如瓊之英此良馬兮負駿之名將有求於駿足亦
何惜於傾城香暖深閨未厭夭桃之色風清廣陌曾憐噴玉之聲希逸曰
原夫人以矜其容馬乃稱其德既各從其所好諒何求而不克長跪而別
姿容休耀其金鈿右牽而來光彩頻生於玉勒文通曰步及庭砌効當軒
墀望新恩懼非吾偶也戀舊主疑借人乘之香散綠鬃意已忘於鬢髮汗
流紅頰愛無異於凝脂希逸曰是知事有廢興用有取捨彼以絕代之容
爲鮮矣此以軼群之足爲貴也買笑之恩既盡有類求之據鞍之力尙存
猶希進也賦訖行十餘步已失故祐有愛妾換馬什云綺閣香銷華廐空
忍將行雨換追風休憐柳葉雙眉綠卻愛桃花兩耳紅侍宴永辭春色裏

趁朝休立漏聲中恩勞未盡情先盡暗泣西風兩意同祐長慶中深爲令
狐楚所知楚鎮天平日草薦表令以詩三百篇隨狀表進祐至京屬元稹
在內庭上問之稹曰祐雕蟲小巧壯夫不爲或獎激之恐變陛下風教上
領之於是失意東歸有孟浩然身更不疑之句

驪宮小禽名阿濫堆明皇御玉笛採其聲翻其曲且名焉遠近以笛爭效
之祐有華清宮詩曰紅樹蕭蕭閣半開玉皇曾幸此宮來至今風俗驪山
下村笛猶吹阿濫堆

皮日休云祐字長吉元和中作宮體小詩辭曲豔發當時輕薄之流能其
才合譟得譽老大稍窺建安風格誦樂府錄知作者本意短章大篇往往
閒出講諷怨譎時與六義相左右善題目佳境言不可刊置別處此爲才
子之最也或薦之天子書奏不下亦受辟諸侯府性狷介不容物輒自劾
去以曲阿地古澹有南朝遺風遂築室種植而家焉性嗜石笋悉力致之
從南海閒罷職事載羅浮石笋還不蓄美田利產爲身後計死未二十年

而故姬遺孕凍餒不暇豈其怨刺於神明耶天果不愛才沒而猶譴耶又
進士顏萱過祜丹陽遺居見其愛姬崔氏貧居荆棘下有一子杞兒求食
汝墳矣憫然作詩弔之萱詩曰憶昔爲兒逐我兄曾拋竹馬拜先生書齋
已換當時主詩壁空題故友名豈是爭權留怨敵可憐當路盡公卿柴扉
草屋無人問猶向荒田責地征日休詩云媵華通子共悲辛荒逕今爲舊
宅隣一代交遊非不貴五湖風月合教貧魂應絕地爲才鬼名與遺編在
史臣聞道平生偏愛石至今猶泣洞庭人陸龜蒙云先生清骨葬煙霞業
破孤存孰爲嗟幾篋詩編分貴位一林石笋散豪家兒過舊宅啼楓影姬
遶荒田泣稗花唯我共君堪便戒莫將文譽作生涯

杞兒後名望虔嘉興
監裴洪慶以爲冬瓜

堰

張爲作主客圖以白樂天爲廣大教化主而以祜爲入室取其句云萬

國見清道一身成白頭

上令狐相公句

此地榮辱盛豈宜山中人

秋晚

葛溪謾淬

張家劍卻是猿聲斷客腸

葛溪

書空疑未決卓地計初成

挂秋

春申還有

三千客寂寞無人報李園

句

杜牧之酬祜詩云七子論詩誰似公曹劉須在指揮中薦衡昔日知文舉

令狐公會表薦乞火無人作蒯通北極樓臺長挂夢西江波浪遠吞空可憐故國

三千里虛唱歌辭滿六宮

或言祜清河人嘗賦淮南詩有人生只合揚州死禪智山頭好墓田果卒

于丹陽隱舍

崔涯

崔涯吳楚人與張祜齊名其妻雍氏乃雍祕校之女夫婦相歡而涯不禮

其妻父妻父不平之奪其女為尼涯不得已為詩留別曰隴上泉流隴下

分斷腸嗚咽不堪聞嫦娥一入月中去巫峽千秋空白雲或謂崔膺之作

詠春風云動地經天物不傷高情逸韻住何方扶持燕雀連天去斷送楊

花盡日狂遶柱月明過萬戶弄帆晴晚渡三湘孤雲雖是無心物借便吹

教到帝鄉

太行嶺上十三一作尺雪崔涯袖中三尺鐵一朝若遇有心人出門便與妻

唐詩紀事卷第五十二 九 無錫丁氏校刊

兒別涯俠士詩也涯與張祐失意游俠江淮此詩往往傳於人口

盧儲

李翱江淮典郡儲以進士投卷翱禮之置文卷几案閒因出視事長女及笄閒步鈴閣前見文卷尋繹數回謂小青衣曰此人必爲狀頭迨公退李聞之深異其語乃令賓佐至郵舍傳語於儲選以爲婿儲謙辭久之終不卻其意越月遂許來年果狀頭及第纔過關城徑赴嘉禮催妝詩曰昔年將去玉京遊第一仙人許狀頭今日幸爲秦晉會早教鸞鳳下妝樓後盧止官舍迎內子有庭花開乃題曰芍藥斬新栽當庭數朶開東風與拘束留待細君來人生前定固非偶然耳

趙璜

正月云正月今朝半陽臺信未迴水芹寒不食山杏雨應開世網留三宿
眞源寄一杯因聲謝猿鳥歲晏會歸來

題七夕圖云帝子吹簫上翠微秋風一曲鳳凰歸明年七月重相見依舊

高懸織女機

七夕詩云烏鵲橋頭雙扇開年年一度過河來莫嫌天上稀相見猶勝人閒去不迴欲減煙花饒俗世暫煩煙月掩樓臺別時舊路長清淺豈肯離情似死灰

璜開成三年登第

柴夔

望九華山詩云九華如劍插雲霓青靄連空望欲迷北截吳門疑地盡南連楚界覺天低山池水蘸中秋月石路人攀上漢梯惆悵舊遊無復到會須登此出塵泥

夔登太和中進士第

王繼勳

贈和龍妙空禪師詩云四面山南靈慶院茅齋道者雪峰禪只棲雲樹兩三畝不下煙蘿十五年猿鳥認聲呼喚易龍神降伏住持堅誰知今日秋

江畔獨步醫王闡法筵

夏鴻

贈和龍妙空禪師詩云翰林遺迹鏡潭前孤峭高僧此處禪出爲信門興
化日坐當吾國太平年身同瑩澈尼珠淨語竝鋒鋷慧劍堅道果已圓名
已遂卽看千帀遶香筵

鴻登開成進士第

曹汾

早登靈芝望九華寄杜使君詩云戴月早歸三秀館平明初辨九華峰嗟
嗟玉劍寒芒利裊裊青蓮翠葉重怪狀卻疑山盡出嵐光似爲客添濃行
香若到五溪上此處褰幃正面逢

汾以尙書鎮許下其子希幹及第用錢二十萬勝至鎮張宴置勝於側時
進士胡錡有賀啓略曰桂枝折處著萊子之綵衣楊葉穿時用魯連之舊
箭汾先登第故也又曰一千里外觀上國之風光十萬軍中展長安之春色

汾字道謙開成四年登第希幹咸通十四年登第汾終戶部侍郎汾懿宗宰相確之弟確罷相爲鎮海節度使以扞龐助功就加太子太帥汾爲忠武節度入爲戶部判度支弟兄竝列將相之任時人榮之

楊鴻

時望九華山詩云九華閒屋簇清虛氣象群峰盡不如惆悵都南挂冠吏無人解向此山居

易重

會昌五年陳商下進士張漬第一重次之後詔白敏中重考覆落漬等八人而重居榜首有詩寄宜陽兄弟云六年雁序恨分離詔下今朝遇已知上國皇風初喜日御堦恩渥屬身時內庭再考稱文異聖主宣名獎藝奇故里仙才若相問一春攀得兩重枝

唐詩紀事卷第五十二

Faint vertical text columns, likely bleed-through from the reverse side of the page. The text is illegible due to fading and low contrast.